

傷

寒

選

錄

二



数据加载失败，请稍后重试！

傷寒選錄卷

新安祁門朴野汪機立藁

同邑石野陳楠編輯

同邑和溪程鑄校正

○發熱第一

附汗吐下後發熱

附內傷瘀血發熱
附傷寒熱甚五十九刺

中風即發熱者風傷衛也傷寒不即發熱者寒傷榮也經云傷寒一二日或已發熱或未發熱是也凡翕上發熱而有惡風惡寒頭痛脉浮者表熱也此由風寒客于皮膚陽氣怫鬱所致宜汗之若小便黃非在外凡蒸上發熱而有識語大便秘小便赤腹滿惡熱脉滑實者裏熱也此由陽氣下陷入陰中所致宜下之若小便清非在內也其在

少陰厥陰發熱者謂之反發熱惟太陰無發熱之候若脉陰陽俱盛熱不止者死下利發熱汗後復發熱脉躁疾不爲汗衰狂言不能食陰陽交交者死

蘭室治例曰邪在三陽太陽症多與潮熱若同而異邪在三陰少陰症多與煩燥相類而非

太陽發熱治例

發表太陽病脉浮緊無汗發熱身痛八九日不解表症仍在此當發其汗服藥已微除其人發煩目瞑刺者必衄衄乃解所以然者陽氣重故也麻黃湯二十各半湯

註曰脉浮緊無汗發熱身疼痛太陽傷寒也須至八九日而表症仍在亦當發汗既服發散湯藥須未作大汗亦已

微除煩者身熱也邪氣不爲汗解鬱而成熱蒸于經絡發于肌表故發煩也肝受血而能視始者氣傷榮寒既變熱則血爲執搏肝氣不治故目瞑也劇者執甚于經迫血妄行而爲衄得衄則熱隨血散而解陽氣重者熱氣重也與麻黃湯以解前太陽傷寒之邪也

太陽病或已發熱未發熱必惡寒身軀痛嘔逆脉陰陽俱緊者名曰傷寒麻黃湯二十

註曰經云凡傷於寒則爲病熱爲寒氣客于經中陽經拂結而成熱中風即發熱者風爲陽也及傷寒云或已發熱或未發熱以寒爲陰邪不能即熱鬱而方變熱也風則傷衛寒則傷榮衛虛者惡風榮虛者惡寒榮傷寒者必惡寒

也氣病者則麻血病者則痛風冷氣暖寒冷氣逆脉痛嘔
逆者榮中寒也經曰脉盛身寒得之傷寒脉陰陽俱緊者
知其傷寒也

此條不可作無熱而惡寒者發於陰也看了雖未發熱其
脉緊為其發於陰脉沉或細或微溼也

太陽病頭痛發熱身疼腰痛骨節痛惡風無汗而喘麻黃湯

一十

註曰此太陽傷寒也寒則傷榮頭痛身疼腰痛以致牽連
骨節痛者太陽經榮血不利也內經曰傷寒客于人使人
毫毛畢直皮膚閉而為熱者寒在表也風并于衛則衛實
而榮虛者無汗出而惡風也寒并于榮則榮實而衛虛者

有汗而惡風也以榮強衛弱故氣逆而喘與麻黃湯以發其汗

太陽病發熱汗出惡風脈緩者名為中風桂枝湯一

註曰風陽也寒陰也風則傷衛發熱汗出惡風者衛中風榮病發熱無汗不惡風而惡寒衛病則發熱汗出不惡寒而惡風以衛為陽衛外者也病則不能衛固其外而皮膚疎故汗出而惡風也傷寒脈緊傷風脈緩者寒性勁急而風性解緩故也

太陽中風陽浮而陰弱陽浮者熱自發陰弱者汗自出

亞寒浙七惡風翕七發熱鼻鳴乾嘔桂枝湯一

註曰陽以候衛陰以候榮陽脈浮者衛中風也陰脈弱者

榮氣弱也風并于衛則衛實而榮虛故發熱汗自出也經
曰太陽病發熱汗出者此為榮弱衛強者是也嗇上者不
足也惡寒之貌也淅上者洒淅也亞風之貌也衛虛則惡
風榮虛則惡寒榮弱衛強惡寒復惡風者以自汗出則皮
膚緩腠理疎是亦惡風也翕翕者焯上然而熱也若合羽
所覆言執在表也鼻鳴乾嘔者風擁而氣逆也與桂枝湯
和榮衛而散風邪也○白虎加參次各半湯大柴胡朱氏
先陽旦湯白虎次用柴胡加桂○熱反近衣桂枝寒罷柴
胡加桂寒反去衣白虎加參裏罷各半○嚴云仲景太陽
三法俱行六經俱見知邪多著太陽有終一經或有相傳
次序多成壞病如合并病如瘧隨其逆而調之乃治壞症

也○六經專方太陽桂枝湯陽明大承氣湯少陽小柴胡湯太陰理中湯少陰四逆湯厥陰烏梅丸剛瘧麻黃湯柔瘧桂枝湯霍亂理中湯啾白虎湯風溫別無正方今以諸方主用大體見于後

病人藏無他病時發熱自汗出不愈者此衛氣不和也先其時發汗則愈宜桂枝湯一

註曰藏無他病裏和也衛氣不和表病也外臺云裏和表病汗之則愈所謂先其時者先其發熱汗出之時發汗則愈

太陽病發熱汗出者此為榮弱衛強故使汗出欲救邪風者

宜桂枝湯一

註曰太陽中風七并于衛則衛實而革虛榮者陰也衛者陽也發執汗出陰弱陽強也經曰陰虛陽必湊之故少氣時熱而汗出與桂枝湯解散風邪調和榮衛

桂枝本為解肌若其人發執汗不出者不可與也常須識此勿令悞也桂枝去桂加半夏生薑

註曰脉浮發執汗出惡風者中風也可與桂枝湯解肌脉浮緊發執不汗出者傷寒也可與麻黃湯常須識此勿妄治也

太陽病發執惡寒執多寒少脉微弱者此無陽也不可發汗宜桂枝二越婢一湯十

註曰胃為十二經之主脾治水穀為卑藏若脾內經曰脾

主為胃行其津液是湯所以謂之越脾氣通行津液外臺方一名越脾湯即此義也○脉微弱者脉畧有些弱也非微弱二字此仲景微旨也此言微非指脉誤也

太陽中風脉浮緊發熱惡寒身疼痛不汗出而煩燥者大青龍湯主之若脉微弱汗出惡風者不可服之則厥逆筋惕肉瞤此為逆也大青龍湯主之八十一

註曰此中風見寒脉也浮則為風上則傷衛緊則為寒上則傷榮榮衛俱病故發熱惡寒身疼痛也風并于衛者為榮弱衛強寒并于榮者為榮強衛弱今風寒兩感則榮衛俱實故不汗出而煩燥也與大青龍湯發汗以除榮衛風寒若脉微弱汗出惡風者為榮衛俱虛反服青龍湯則必

亡陽或生厥逆筋惕肉瞤此治之逆也

陶氏曰熱盛而煩手足自溫脉浮而緊此傷風見寒脉也
不煩少熱四肢微厥脉浮而緩此傷寒見風脉也二者為
榮衛俱病法用大青龍湯然不可輕用須風寒俱盛又加
煩燥方可與之一方以桂枝麻黃湯尤穩今改蒼活湯
中風發熱六七日不解而煩有表裏症渴欲飲水上入即吐

名曰水逆五苓散

註曰中風發熱至六七日則當解若不解煩者邪在表也
渴欲飲水邪傳裏也裏執甚則能水上入則不吐裏執少
則不能消停積不散飲而吐水也以其因水而吐故名水
逆與五苓散和表裏散停飲

傷寒表不解心下有水氣乾嘔發熱而欬或渴或利或嘔或
小便不利少腹滿或喘者小青龍湯四十

註曰傷寒表不解心下有水飲則水寒相搏肺寒氣逆故
乾嘔發熱而欬針經曰形寒飲冷則傷肺以其兩寒相感
中外皆傷故氣逆而上行此之謂也與小青龍湯發汗散
水水氣內漬則所傳不一故有或為之証隨証增損以解
化之

張氏曰或問小青龍與小柴胡証皆嘔而發汗表裏之病
大槩彷彿何故二方用藥之不同曰夫傷寒表不解裏熱
未甚而渴欲飲水不能多不當與之以腹中熱尚少而不
能消水飲停蓄故作諸証然水寒作病非溫熱之劑不能

解故用小青龍湯發汗散水原其理初無裏証因水寒以致然也夫小柴胡証係傷寒發熱也邪傳裏在于半表半裏之間執氣內攻故生諸証緣二証雖曰表裏俱病其中寒熱不同故用藥有豈桂柴苓之異也

傷寒心下有水氣咳而微喘發熱不渴服湯已渴者此寒去欲解也小青龍湯主之四十

註曰咳而微喘者水寒射肺也發熱不渴者表証未罷也與小青龍湯發表解水服湯已渴者裏氣溫水氣散為欲解也○有水欬者可行

形作傷寒其脉不弦緊而弱上者必渴被火者必譫語弱者發熱脉浮解之當汗出愈麻黃湯二十大柴胡湯四十

註曰形作傷寒謂頭痛身熱也脉不弦緊則無傷寒表脉也經曰諸弱發熱則脉弱爲裏熱故云弱者必渴若被火氣兩熱相合傳于胃中胃中燥煩必發譫語脉弱發熱者得脉浮爲邪氣還表當汗出而解矣○脉病不似故宜當作三法斷之

和解傷寒四五日身熱惡風項強脇下滿手足温而渴者小柴胡湯四十一

註曰身熱惡風頸項強者表未解也脇下滿而渴者裏不和也邪在表則手足通熱邪在裏則手足厥寒今手足温者知邪在表裏之間也與小柴胡湯以解表裏之邪

傷寒六七日發熱微惡寒支節煩疼微嘔心下支結外証未

上日加柴胡桂枝湯主之四十

註曰傷寒六七日邪當傳裏之時支散也嘔而心下結表裏証也法當攻裏發熱微惡寒支節煩疼表証未去不可攻裏與柴胡桂枝湯以和解之○支結即留飲症

傷寒脉浮發熱無汗其表不解者不可與白虎湯若大渴欲飲水無表証者白虎加人參湯主之六十

註曰傷寒脉浮發熱無汗其表不解不渴者宜麻黃湯渴者宜五苓散汗白虎所宜大渴欲水無表証者乃可與白虎加人參湯以散裏熱臨病之工夫宜精別

張氏曰經言可與某湯或言不可與者此設法禦病也又言宜某湯此臨症審決也言某湯主之者乃對病施治也

此三者即方法之條目也包藏深理非一言可以具述

傷寒無大熱口渴燥渴心煩背微惡寒者白虎加人參湯主之

六十一

註曰無大熱者爲身無大熱也口渴燥渴心煩者當作陽明病然以背微惡寒爲表未全罷所以屬太陽也背爲陽背惡寒口中和者少陰病也當與附子湯今口渴而渴背雖惡寒此裏也則惡寒亦不至甚故云微惡寒與白虎湯和表散熱加人參止渴生津○白虎諸亡血虛家不可服服之腹痛利但可溫之或云立秋後及正月至三月陽氣微不可服非也張氏論詳見後

張氏曰用藥有遲速之弊故設法以關防法有關防不盡

者則著方以拯治也假如上一條前條乃仲景設法以閑防也後條及傷寒病若吐若下後七八日不解執結在裏表裏俱熱時時惡風又渴口舌乾燥而煩欲水數升者以白虎加人參湯主之此二條則著方以拯治也夫白虎湯專治大煩大渴古人設法之意惟恐表証未罷而輒用之治有大速之弊若背微惡寒及時時惡風二証其中煩渴已甚非白虎不能過也必候表邪俱盡未免有太遲之愆也此乃法之閑防不盡者故著方以拯治也苟不著方必然違法然方法之妙所以不可偏費也

吳氏曰惡向白虎湯仲景以表不解者不可與又時時惡風背上微惡者此有表也又以白虎湯主之何也蓋石膏

辛寒解足陽明經本執蒸蒸發執潮執表裏皆執舌燥煩
渴之聖藥也且時上者時或惡風而不常也背上惡者但
覺微惡而不甚也所有熱盛燥渴而用則無疑矣若夫表
症惡寒常在背上惡寒而不燥渴者切不可用也又太陽
經發熱而渴無汗者不可與之但汗後脈洪大而渴者則
可與也如陰傷寒面赤煩燥身執與其胃虛惡心大便不
實脈弱食少無大熱者切不可用也如誤用之則傾危可
立而待也

傷寒脈浮滑此表有執裏有寒白虎湯主之六十

註曰浮為在表滑為在裏表有執外有執也裏有寒邪氣
傳裏也以邪未入府故止言寒如瓜蒂散証云胸上有寒

者是矣與白虎湯以解內外之邪○臣林意校正云謹按前篇熱結在裏表裏俱熱宜白虎湯主之又云表不解不可與白虎湯此脉浮滑表有執裏有寒者必表裏二字差矣又陽明一証云脉浮而遲表有執裏有寒四逆湯主之又少陰一証裏寒外熱用通脉四逆湯主之以此見差明矣此條表裏有執傳寫之誤也校正之說以明其悞無已等註本事方皆曲從其說反言校正之非也本草治寒以熱治熱以寒此証用白虎寒涼之劑既裏有寒者決不宜服之校正引裏二証用四逆湯即知白虎非治裏寒也辨脉法曰脉浮者在表即有熱也而陽明脉証篇曰脉滑而疾者小承氣湯既用承氣湯是為裏熱也又厥陰脉篇曰

脉滑而厥者裏有熱宜白虎湯主之是謂脉浮為表熱滑
為裏執前言悞者明矣該作表裏有熱也

張氏曰對病施治乃依方療疾也事理平正無曲折可否
之責止對証而用藥即無疑難故曰主之假如如此條理明
而言簡曰主之者當然其他雖間有病証冗雜者而理終
歸一途別無差失相反方內凡言主之理同一體也

傷寒五六日中風徃來寒熱胸脇苦滿默上不欲飲食心煩
而嘔或胸中煩而不嘔或渴或腹中痛或脇下痞硬或心下
悸小便不利或不渴身有微熱或欬者與小柴胡湯主之平
註曰病有在表者有在裏者有在表裏之間者此邪氣在
表裏之間謂之半表半裏証五六日邪氣自表傳裏之時

或中風或傷寒非是傷寒并中風中風復傷寒也經曰傷寒中風有些胡症但見一症便是不必悉具邪在表則寒邪在裏則熱今邪在半表半裏之間未有定處是以寒熱往來也邪在表則心腹不滿邪在裏則心腹脹滿今止言胸脇苦滿知邪氣在表裏之間也默上靜也邪在表呻吟不安邪在裏則煩悶亂內經曰陽入之陰則靜默上者邪方自表之裏在半表半裏之間也邪在表則能食邪在裏則不能食不欲食者邪在表裏之間未至於心不能食也邪在表則不煩不嘔邪在裏則煩滿而嘔煩善嘔者邪在表方傳裏也邪初入裏未有定處則所傳不一故有或為之症有些胡証但見一症便是即是此或為之証○少陽

小柴胡和解之劑此段半表半裏凡傳入少陽多半表半裏

下傷寒發熱汗出不解心下痞硬嘔吐下利大柴胡湯四十
註曰傷寒發熱寒已成熱也汗出不解表和而裏病也吐
利心腹濡溼為裏虛吐而不利心下痞硬者是裏實也與
大柴胡湯以去裏熱

張氏曰或問大柴胡若內煩裏實者固宜用也其嘔而下
利者亦用之何也夫治病節目虛實二者而已裏虛者雖
便難而勿攻裏實者雖吐利而可下經曰汗多則便難脉
遲尚未可攻以遲為不足即裏氣未實故也此以大柴胡
主之凡吐利心腹濡軟為裏虛嘔吐而下利心下痞硬者

是裏實也下之當然况太陽病過經十餘日反二三下之
後四五日柴胡証仍在者先以小柴胡湯嘔不止心下急
鬱鬱微煩者為未解也與大柴胡湯下之則愈然嘔不止
而微煩裏熱已甚結于胃中故下之則愈二節病証雖有
參差其裏實同一機耳皆與大柴胡湯者宜也

溫病發熱頭痛脉反沉若不差身體疼痛當救其裏四逆湯
九十

註曰發熱頭痛表病也脉反沉者裏脉也經曰表有病者
脉當浮大今脉反沉遲故知愈也表病而得裏脉則當差
若不差為內虛寒甚也與四逆湯救其裏

敗安陽病見陰脉當死今頭疼發熱陽病也脉沉陰脉也

治之不死可知病與脉難以此拘也

刺婦人中風發執蕪寒經水適來得之七八日執除而脉溼
身凉胸脇滿如結胸讖語者此熱入血室刺期門隨其實瀉
之宜小柴胡加生地黃

註曰中風發執蕪寒表病也若經水不來表邪傳裏則入
府而不入血室也因經水適來血室空虚至七八日邪氣
傳裏之時更不入府乘虛而入于血室執除脉溼身凉者
邪氣內陷而表証罷也胸脇下滿如結胸狀讖語者熱入
血室而裏實期門者肝之募肝主血刺期門者瀉血室之
熱審看何經氣實更隨其實而瀉之

傷寒發執蕪惡寒大渴欲飲水其腹必滿自汗出小便利

其病欲解此肝乘肺也名曰橫刺期門三百

註曰傷寒發熱啣啣惡寒肺病也大渴欲飲水肝氣勝也
三函曰作大渴欲飲酢漿是知肝氣勝也傷寒欲飲水者
愈若不愈而腹滿者此肝行乘肺水不能行也經曰木行
乘金名橫刺期門以瀉肝之盛氣肝肺氣平水散而津液
得通外作自汗出內為小便利而解也

吳氏曰凡表症頭疼惡寒發熱汗不出者宜刺合谷穴在
手虎口大指次指歧骨間陷中針三分病人呼候汗出遍
身乃出針蓋此穴發汗最効

火逆脈浮執甚反灸之此為實實以虛治因火而動必咽燥
唾血茅花湯解毒湯黃芩芍藥湯六十五

註曰脉浮執甚此為表實醫以脉浮為虛用火灸之火迫血上錯經妄行故咽噪唾血

灸徐氏曰傷寒發熱一息二三至取氣海關元二百三少陰發執取大谿

自俞太陽病脉浮緊發熱身無汗自衄者愈

註曰風寒在經不得汗解鬱而變熱衄則熱隨血散故云自衄者愈也○衄後不解有汗脉浮者桂枝湯無汗脉緊者麻黃湯大柴胡湯

婦人傷寒發熱經水適來晝日明了暮則譫語如見鬼狀者此為執父血室無犯胃氣及上二焦必自愈

註曰傷寒發熱者寒已成熱也經水適來則血室空虛邪

氣乘虛入于血室皆晝日譫語為邪客入府而陽爭也此晝日明了暮則譫語如見鬼狀是邪不入府入于血室而陰爭也陽盛譫語則宜下此熱入血室不可與下藥犯其胃氣熱入血室血結寒熱者與小柴胡湯散邪發汗此雖熱入血室而不留結不可與發汗藥犯其上焦熱入血室胸脇滿如結胸狀者可刺期門此雖熱入血室而無滿結不可刺期門犯其中焦必自愈者以經行則熱隨血去血下也已則邪熱悉除而愈矣所謂發汗為犯上焦者發汗則動衛氣衛氣出上焦故也刺期門為犯中焦者刺期門則動榮氣榮氣出中焦故也脉經曰無犯胃氣及上焦必自愈謂藥不謂針耶○邪氣因隨血下故愈不可汗止

下前所謂諸變不勝數與結滿不可刺期門熱入血室而不留結不與發汗藥以犯上焦

隨病治例病人身大熱反欲得近衣者熱在皮膚寒在骨髓也身大寒反不欲衣者寒在皮膚熱在骨髓也

註曰皮膚言淺骨髓言深皮膚言外骨髓言內身熱欲得衣者表熱裏寒也宜服陽旦湯寒已次用小柴胡湯加桂以溫其表身寒不欲衣者表寒裏熱也先與白虎加人參湯熱除次用各半湯以解其外

表熱裏寒者脉雖沉而遲手足微厥下利清穀此裏寒也所以陰症亦有發熱者此表解也四逆湯通脉四逆湯表寒裏熱者脉必滑身厥舌乾也所以少陰惡寒而踈此表寒也時

時自煩不欲厚衣此裏熱也大柴胡湯四十

丹溪曰謹按身大熱欲得衣蓋人之身不能自溫因表氣之實足以自溫雖遇風寒無所畏憚大熱病表氣當實而喜冷今反欲得衣者表氣虛不足以自溫故欲近衣恐是病人陰弱陽無所附飛越而出發爲大熱爾當作陰虛治之身大寒反不欲近衣者恐是邪在表不能自發而爲熱表雖無熱邪鬱膚腠表氣大實故不欲近衣爾當作鬱病治之註言表熱裏寒者當是熱感得淺寒感得深而在內也言表寒裏熱者當是寒感得淺而在外熱感得深而在內也表裏之寒熱爲重感病即重感之病必有其名如傷寒重感寒爲溫瘧傷寒更遇風爲風溫傷寒更遇溫熱爲

傷寒遇溫氣為溫疫病濕更中暈為濕溫未常有所
謂我裏寒熱也然表熱裏寒表寒裏熱尙病耶切常求之
論矣恐為寒熱感之深者發也內經曰亢則害承乃制
謂氣盛之極則受勝已之化而為病也熱感得深外必惡
寒故曰寒在皮膚非寒也熱也熱在骨髓此火極似水症
仲景曰人傷于寒則為病熱熱雖甚不死寒感得深外必
發熱故曰熱在皮膚非熱也寒也此傷于寒而熱甚也內
經曰甚者反治又曰寒因熱用熱因寒用病氣深者正氣
虛也非反治因用邪何由伏病何由安

趙氏曰仲景論中止分皮膚骨髓而不曰表裏者蓋以皮
肉脉筋骨五者素問以為五藏之合主于外而充于身者

也惟曰藏曰府方可言表裏可見皮膚即骨髓之上外部
浮淺之分骨髓即皮膚之下外部深沉之分與經絡屬表
藏府屬裏之例不同况仲景出此証出太陽篇首其為表
証明矣是知虛弱素寒之人感邪發執執邪浮淺不勝沉
寒故外怯而欲得近衣此所以為熱在皮膚寒在骨髓藥
宜辛溫至于壯盛素熱之人或酒客輦感邪之初寒未變
熱陰邪閉于伏執陰凝于外熱鬱于內故內煩而不欲近
衣此所以寒在皮膚熱在骨髓藥宜辛涼必也一發之餘
既散表邪又和正氣此仲景不言之妙若以皮膚為表骨
髓為裏則麻黃証骨節疼痛其可名為有表復有裏之証

耶

傷寒不大便六七日頭痛有執者與小承氣湯八十五其小便清者知不在裏仍在表也當須發汗若頭痛者必衄宜桂枝湯一主之

註曰不大便六七日頭痛有執者故宜當下若小便清者知裏無執則不可下經曰小便數者大便必鞭不更衣十日無所苦也况此不大便六七日小便清者不可責邪在裏是仍在表也與桂枝湯以解外若頭痛不已為表不罷鬱甚于經迫血妄行止為衄也

丹溪曰謹按外証未解不可下下為逆今頭痛有執宜解表反與承氣正是責其妄下之過也故下文又言小便清者知其無裏邪不當行承氣又繼之曰當須發汗曰頭痛

必衄血宜桂枝湯反復告戒論意甚明而註反直曰故當
宜下想因六七日不大便爾雖不大便他無所苦候表解
然後攻之正仲景法也註意似未瑩

太陽病得八九日如瘧狀發熱惡寒熱多寒少其人不嘔清
便欲自可一日二三度發脈微緩者為欲愈也脈微而惡寒
者此陰陽俱虛不可更發汗更下更吐也面色反有熱者未
欲解也以其不能得小汗出身必痒宜桂枝麻黃各半湯三
註曰傷寒八九日則邪傳再經又遍三陽欲傳三陰之時
也傳經次第則三日傳遍三陽至四日陽去入陰者不入
陰者為欲解其傳陰經第六日傳遍三陰為傳經盡而當
解其不解傳為再經者至九日又遍三陽陽不傳陰則解

如瘧發作有時也寒多者為病進熱多者為病退經曰厥
少熱多其病為愈寒多熱少陽氣退故為進也今須發熱
惡寒而執多寒少為陽氣進而邪氣少也裏不和者嘔而
利今不嘔清便自調者裏和也寒熱間日發者邪氣深也
日一發者邪氣復常也日再發邪氣淺也日二三發者邪
氣微也內經曰大則邪至小則平言邪甚則脈大邪少則
脈微今日數多而脈微緩者是邪氣微緩也故云欲愈脈
微而惡寒者表裏俱虛也陽表也陰裏也脈微為裏虛惡
寒為表虛以表裏俱虛故不可更發汗更下更吐也陰陽
俱虛則面色青白反有熱色者表未解也熱色為赤色也
得小汗則和不得汗則邪氣外散皮膚而為痒也與桂枝

麻黃各半湯小發其汗而除表邪○桂枝越脾湯傷寒尚
有赤色皆是表証最宜消詳太陽病八九日不傳經故為
寒為熱狀如瘧其裏如故不嘔清便自調而欲愈脈微惡
寒不可汗吐下身痺者表未解無已云八九日傳經盡又
遍三陽者則悟也

病有發熱惡寒者發于陽也無熱惡寒者發于陰也發于陽
者七日愈發于陰者六日愈以陽數七陰數六故也

註曰陰為寒也陽為熱也發熱而惡寒者寒也無熱
而惡寒者寒傷陰也陽法火陰法水火為陽水為陰
陽病七日愈者火數足也陰病六日愈者水數足也
黃湯陰理中湯四逆湯

丹溪曰謹按論言陰陽似乎同所指也註以陽為熱陰為寒下經辨傷陽寒傷陰又以表裏血氣言似乎可通若以陽數七陰數六言之又非表裏血氣之謂也豈有發于裏與血者而先愈發于表與氣者而後愈由是觀之註果有得于論意歟

太陽病脉浮而動數浮則為風數則為熱動則為痛數則為虛頭痛發熱微盜汗出而反惡寒者表未解也醫反下之動數變溼膈內拒痛胃中空虛客氣動膈短氣燥煩心下懊憹陽氣內陷心中因硬則為結胸大陷胸湯丸主之若不結胸但頭汗出餘處無汗劑頸而還小便不利身必發黃也或用桂枝湯桂枝加白朮湯茵陳湯梔子柏皮湯

註曰動數皆陽脉也當責邪在表睡而汗出者謂之盜汗
為邪氣在半表半裏則不惡寒此頭痛發熱微盜汗出反
惡寒者表未解也當發其汗醫反下之虛其胃氣表邪乘
虛則陷邪在表則見陽脉邪在裏則見陰脉邪氣以陷動
數之脉所以變溼而浮脉獨不變者以邪結胸中上焦陽
結脉不得而沉也客氣者外邪乘胃中空虛入裏結于胸
膈膈中拒痛者客氣動膈也金匱要畧曰短氣不足以息
者實也短氣燥煩心中懊憹皆邪熱為實陽氣內陷氣不
得通于膈壅于心中為硬滿而痛成結胸也與大陷胸湯
以下結熱若胃中空虛陽氣內陷不結于胸膈下入于胃
中者遍身汗出則為熱越不能發黃若但頭汗出身無干

劑重而還小便不利者執不得越發黃也。

丹溪曰謹按太陽病在表未曾解在表而攻裏可謂虛矣而况所得之脉皆浮而動數乎今得誤下動數變遲矣而又曰胃中空虛又曰短氣燥煩虛之甚矣借曰陽氣內陷心下因硬而可迅攻之乎豈大陷胸之力緩于承氣况已下者不可再下寧不畏其虛乎上文曰結胸脉浮大者不可下下者死又曰結胸症悉其煩燥者死今日脉浮又曰煩燥大陷胸果可用乎彼陽病實下後若胃中空虛客氣動膈心中懊憹者以枝子鼓湯吐胸中之邪况太陽穴下後明有虛症乎

隨病救逆若發汗後身灼執者名曰風溫風溫為病脉陰陽

俱浮自汗出身重多眠睡鼻息必鼾語言難出若被下者小便不利直視失溲若被火者微發黃色劇則如驚癇特癩癧若火熏之一逆尚引日再逆促命期

註曰傷寒發汗已則身涼若發汗已身灼熱者非傷寒為風溫也風傷於上而陽受風氣風與溫相合則傷衛脈陰陽俱浮自汗出者衛受邪也衛者氣也風則傷衛溫則傷氣身重多眠睡者衛受風溫而氣昏也鼻息必鼾語言澀出者風溫外甚而氣擁不利也若被下者則傷藏氣太陽膀胱經也內經曰膀胱不利為癰不約為遺溺癰者小便不利也太陽之脈起目內眥內經曰瞳子高者太陽不足戴眼者太陽以絕小便不利直視失溲為下後竭津液損

藏氣風溫外勝經曰欲絕也為難治若被火者則火助風
溫成執微者執瘀而發黃劇者執性生風如驚癇而時瘳
癢也先曾被火為一逆若更以火熏之是再逆也一逆尚
猶延引待日而不愈其再逆者必致危殆故云促命期○
脉浮緊發於陽即表發於陰即溫萎蕤湯敗毒散小柴胡
湯金匱風飲湯執甚知母葛根湯渴者瓜蒌湯身重汗出
漢防已湯

附隨時治例

禁例

出血

此三條雖非太陽發熱以其治法禁例當例諸首故併附之

徐氏曰傷寒本為卒病故用一表一裏之藥如夏後或用羌
活中和湯 加減用之是從其時令如地理方宜亦不可執

出血曾氏家治傷寒七八日不解自胸上至頭目紫黑壅腫寸脉浮大而數似有鼻衄而不能出也用乾粟穀兩鼻彈刺而出血弱葉亦可西北方人或于兩尺澤中出血如射即安諒亦此意○或云心腹卒然攪痛尺澤出血甚妙

禁例太陽經禁忌多○陽明○少陽禁例見本條舉其例則知餘症用藥皆有禁例也

陽明經發熱治例

發表陽明中風口苦咽乾腹滿微喘發熱惡寒脉浮而緊若下之則腹滿小便難也麻黃湯

二十

註曰脉浮在表緊為裏實陽明中風口苦咽乾腹滿微喘者執傳于裏也發熱惡寒者表仍未解也若下之裏邪雖

去表邪復入于裏又亡津液故使腸滿而小便難

傷寒瘧熱在裏身必發黃麻黃連軹亦小豆湯

註曰濕熱相交民多病瘴瘡黃也傷寒爲寒濕在表發黃爲瘧熱在裏與麻黃連軹赤小豆湯除熱散濕

陽明病面合赤色不可攻之必發熱色黃小便利也桂枝加芍藥湯十葛根湯微汗之三十

註曰合通也陽明病面色通赤者熱在經也不可下之下之虛其胃氣耗其津液經中之熱乘虛入胃必發熱色黃小便利也

張氏曰夫陽明病理必近于可下但以面赤其熱猶在經故云不可攻若攻之則經中之熱乘心入于胃鬱著而發黃

召譬如下之太早成結胸即此之類也

陽明病欲食小便反不利大便自調其人骨節疼翕翕如有熱狀奄然發狂漉然汗出而解者此水不勝穀氣與汗共併脉緊則愈桂枝湯一

註曰陽明病客熱初傳于胃胃熱則消穀而欲食陽明病熱為實者則小便當數大便當硬今小便反不利大便自調者熱氣散漫不為實也欲食則胃中穀多內經曰食入于陰長血氣于陽穀多則陽氣勝熱消津液則水少經曰水入于經其血乃成水少則陰血弱金匱要畧曰陰氣不通則骨痛其人骨節疼者陰氣不足也熱甚于表者翕翕發熱甚于裏者漉然發熱此熱氣散漫不傳著于表裏

故翕翕如有熱狀奄忽也忽然發狂者陰不勝陽也內經
曰陰不勝其陽者則脉沉薄疾并乃狂陽明蘊熱爲實者
須下之愈熱氣散漫不爲實者必待汗出而愈故云澀然
而汗出解也水穀之等者陰陽氣平也水不勝穀氣是陰
不勝陽也汗出則陽氣衰脉緊則陰氣生陰陽氣平兩無
偏勝則愈故云與汗共併脉緊則愈○入府見表証汗出
解理順見汗脉緊者尾如初爾桂枝湯主之此段發汗則
愈

愚按水陰氣穀陽氣傷寒以陽爲主水不勝穀乃陰不勝
陽病漸向安故陰氣與汗共併而散因見脉緊者陰寒
脉也此則變熱入府何以脉緊蓋由陰氣與汗共併然也

且緊亦與長類長爲陽明本脈成氏所註汗出陽衰脈緊
陰生陽衰陰生則陰陽不平矣下文乃云陰陽氣平兩無
偏勝不知何謂

下陽明病脈遲雖汗出不惡寒者其身必重短氣腹滿而喘
有潮熱者此外欲解可攻裏也手足戢然汗出者此大便已
硬也大承氣湯主之若汗多微發熱惡寒者外未解也其
熱不潮未可與承氣湯若腹滿不通者可與小承氣湯極微
和胃氣勿令大泄下

註曰陽明病脈遲若汗出多微發熱惡寒者表未解也宜
桂枝湯若脈遲雖汗出而不惡寒者表証罷也身重短氣
腹滿而喘有潮熱者熱入府也四肢諸陽之本津液足爲

執蒸之則周身汗出津液不足爲執蒸之其手足澀然而汗出知大便已硬也與大承氣湯以下胃熱經曰潮熱者實也其熱不潮是熱未成實不可與大承氣湯雖有腹滿不通之意亦不可與大承氣湯與小承氣湯微和胃氣○
一証五法當細詳

病人小便利大便乍難乍易時有微熱喘胃不能卧者有燥屎也宜大承氣湯五十

註曰小便利則大便硬此以有燥屎故小便不利而大便乍難乍易胃熱者發熱喘胃無時及嗜卧也此燥屎在胃故時有微熱喘胃不得卧也與大承氣湯下燥屎

傷寒六七日目中不了了睛不和無表証大便難身微熱者

此為熱也急下之宜大承氣湯五十

七

註曰內經云諸脉者皆屬於目傷寒六七日邪氣入裏之時目中不了了睛不和者邪熱內甚上薰于目也無表裏証大便難者裏實也身大熱者表熱也身微熱者裏熱也針經曰熱病目不明熱不已者死此目中不了了睛不和則証近危惡也須急與大承氣湯下之○舊本無表字無表裏証則無病何以用承氣湯下之裏實者病可見矣

陽明病外証云何病身熱汗自出不惡寒反惡熱也大承氣湯五十

七

註曰陽明病為邪入府也邪在表則身熱汗出而惡寒邪既入府則表證已罷故不惡寒但身熱汗出而惡熱也

陽明病發熱汗出此爲執越不能發黃也但頭汗出身無汗劑頸而還小便不利渴飲水漿者此爲瘧熱在裏身必發黃茵陳湯主之八十

註曰但頭汗出身無汗劑頸而還者執不得越也小便不利渴飲水漿者熱甚于胃津液內竭也胃爲土而色黃胃爲熱蒸則色奪于外必發黃也與茵陳湯逐熱退黃○發黃具明理小便不利大便反快甘草附子湯五苓散主之陽明發熱汗出多者急下之宜大承氣湯五十

註曰邪熱入府外發熱汗多者熱迫津液將竭急與大承氣湯以下其府熱

張氏曰捨脉從証者以權在証而不從脉也假如陽明篇

中急下之証有三既言急者非可緩之謂也若必求其脉而治之未審得何脉可決其就矣所以仲景止言其証也其諸不言脉者則同此理也或曰然則廢診視之道乎曰何可廢也夫切脉惟候其安危非能主其事當是之時乃危急存亡之秋苟不急不容可已乎

病人無表裏証發熱七八日雖脉浮數者可下之假令已下脉數不解合熱則消穀善飢至六七日不大便者有瘀血宜抵當湯九十

註曰七八日邪入府之時病人無表裏証但發汗雖脉浮數亦可與大承氣湯下之浮為熱客于氣數為熱客于血下之邪熱去而浮數之脉當解若不後數脉去而熱且浮

則是榮血間熱并于衛氣間也當爲邪氣獨留心中則飢
邪熱不殺穀潮熱發渴之証此下之後浮脉去而數不解
則是衛氣間熱合于榮血間也熱氣合并迫血下行胃虛
協熱下利善飢血至下焦若大便利者下血乃愈若六七
日不大便則血不得行畜積于下爲瘀血與抵當湯以下
去之○大柴胡無表証則不惡寒無裏証則無嘔利腹滿
之病

若脉數不解而下不止必脇熱而便膿血也

註曰下後脉數不解而不大便者是熱不得泄畜血於下
爲瘀血也若下後脉數不解而下利不止者爲熱得下泄
迫血下行必便膿血

張氏曰或問攻下之法須外無表証裏無下証或幾可攻
上言無表裏証况脉更浮數何故言可下之曰此非風寒
之所病是由內傷而致然也若外不惡寒裏無譫語但七
八日發熱有燥津液乃陽盛陰虛之時苟不攻之其熱不
已而變生焉故云雖脉浮數可下不待沉實而攻之夫內
傷者經曰跌陽脉浮而數浮與傷胃數則傷脾此非本病
醫特下之所爲也仲景之意不外是理凡傷寒當下之証
皆從太陽陽明在經之邪而入于府故下之今不言陽明
病而止云病人無表裏証此非自表之裏而病也但爲可
下故編于陽明篇中學者宜詳玩焉

陽明病脉浮而芤浮爲陽芤爲陰浮芤相搏胃氣生熱其陽

則絕麻仁丸
三九

註曰浮芤相搏陰陽不諧胃氣獨治鬱而生熱消燥津液其陽爲絕

傷寒發熱無汗嘔不能食而反汗出濺濺然者是轉屬陽明也大柴胡湯四十

註曰傷寒發熱無汗嘔不能食者太陽受病也若反汗出濺濺然者太陽之邪轉屬陽明也經曰陽明病法多汗

和解陽明病脉浮而緊咽燥口苦腹滿而喘發熱汗出不惡寒反惡熱身重若發汗則躁心憤憤反譫語若加燒針必怵惕煩躁不得卧若下之則胃中空虛客氣動膈心中懊憹舌上胎者梔子鼓湯九主之

傷寒論卷之六
十一
註曰脉浮發執爲邪在表咽躁口苦爲執在經脉緊腹滿而喘汗出不惡寒反惡熱身重爲邪在裏此表裏俱有邪猶當雙解之若發汗攻表表熱雖除而內執益甚故躁而憤憤反譏語憤憤者心亂經曰榮氣微者加燒針則血不行更發熱而煩燥此表裏有執若加燒針則損動陰氣故怵惕煩燥不得眠也若下之裏執雖去則胃中空虛表中客邪之氣乘虛陷于上焦煩動于膈使心中懊憹而不了也舌上胎黃者執氣客于胃中舌上胎白知執氣客于胸中與梔子豉湯吐胸中之邪

若渴欲飲水口乾舌燥者白虎加人參湯六十主之

註曰若下後邪執客于上焦者爲虛煩此下後邪執客

于上焦而客于中焦者足為乾燥煩渴與白虎加人參湯散熱潤燥

若脉浮發熱渴欲飲水小便不利者猪苓湯汗多者勿與恐奪津液也

註曰此下後邪熱客于下焦者也邪氣自表入裏客于下焦三焦俱帶熱也脉浮發熱者上焦熱也渴欲飲水者中焦熱也小便不利者邪客下焦津液不得下通也與猪苓湯利小便以瀉下焦之熱也○五苓散

若胃中虛冷不能食者飲水則噦理中湯

一百三十六

註曰噦者欬逆是也千金曰欬逆者噦逆之名胃中虛冷則小寒相搏胃氣逆則噦

脉浮發熱口乾鼻燥能食者則衄黃芩湯主之六十

註曰脉浮發熱口乾鼻燥者熱在經也能食者裏和也熱

甚于經迫血為衄胃中虛冷陰勝也水入于經則血乃成

飲水者助陰氣逆為噦發熱口乾陽勝也食入于陰長氣

于陽能食者助陽血妄為衄三者偏陰偏陽之疾也

傷寒身黃發熱者梔子栝皮湯主之三十五

九

註曰傷寒身黃胃有瘀熱當須下表之此以發熱為熱未

實與梔子栝皮湯解散之

隨病變例

病人煩熱汗出則解又如瘧狀日晡發熱者屬陽明也脉實

者宜下之大承氣湯五十脉浮虛者宜汗之桂枝湯

註曰雖得陽明証未可便爲裏實審者候以別內外其脉實者熱已入府爲實可與大承氣湯下之其脉浮虛者爲熱未入府在于表也可與桂枝湯發汗則愈

陽明病潮熱大便微硬者可與大承氣湯五十不硬者勿與之若不大便六七日恐有燥屎欲知之法少與小承氣湯十五入湯入腹中轉失氣者此有燥屎乃可攻之若不轉失氣者此但初頭硬後必溏不可攻之必脹滿不能食也欲飲水者與水則噦其後發熱者必大便復硬而少也以小承氣湯和之不轉失氣者慎不可攻也

註曰潮熱者實得大便微硬者可攻之若不硬者則熱未實雖有潮熱亦未可攻若不大便六七日恐有燥屎當先

與小承氣湯瀆之如有燥屎小承氣湯勢緩不能宣泄必
 轉氣下失若不轉失氣是胃中無燥屎但腸間少硬爾止
 初頭硬後必溏攻之則虛其胃氣至腹脹滿不能食也胃
 中乾燥則欲飲水水入胃中虛寒相搏氣逆則噦其後却
 發熱者則執氣乘還復聚于胃中胃燥得執必大便復硬
 而少與承氣湯微利以和之故以重云不轉失氣不可攻
 內慎之至○作五段看之固當下有四云云下洩轉失氣
 漢書作屎字矢字誤矣噦橋皮湯不轉屎氣者服湯以腸
 痛不可忍是也實則可下虛則不可下之

張氏曰或問傷寒論中所言轉失氣者未審其氣何如若
 非後中雷鳴滾動轉失氣也予曰不然此世瀉之人不能

瀉氣惟腹中雷鳴滾動而已然滾動者水勢奔流則聲響
泄氣者失氣丁趨而為鼓瀉空虛則聲響充實則氣泄故
腹滾與泄氣為不同耳其轉失氣先硬後溇者而氣猶不
能轉也况大便不實者乎

少陽發熱治例

和解傷寒六七日無大熱其人躁煩者此為陽去入陰故也
小柴胡_{四十二}瀉心_{二百}二湯中求之

註曰表為陽裏為陰邪在表則外有熱六七日邪氣入裏
之時外無大熱內有煩躁者表邪傳裏也故曰陽去入陰
隨病治例

傷寒脉弦細頭痛發熱者屬少陽少陽不可發汗發汗則譫

後漢書卷之九
廿九
語此屬胃胃和則愈胃不和則煩而悸少陽小柴胡加薑桂
四十一陽明調胃承氣湯九十九

註曰經云三部俱弦者少陽受病脉細者邪漸傳裏雖頭
痛發熱爲表未解以邪客少陽爲半在表半在裏則不可
發汗發汗亡津液胃中乾燥少陽之邪因傳入胃必發譫
語當與調胃承氣湯下之胃和則愈不下則胃爲少陽木
邪于之故煩而悸

張氏曰或謂少陽膽經繫于盤屈皆多于各經及觀少陽
篇中治症至簡又不聞何藥爲本經之正法何也夫經絡
所據太陽在後以爲表陽明在前以爲裏其少陽在側夾
于表裏之間故曰半表半裏其治法在表者宜于在裏者

宜下既居兩間非汗下之所宜而治療故無正法也經曰
少陽中風兩耳無所聞目赤胸中滿而煩者不可吐下吐
下則悸而驚而上條又云不可發汗似此其汗下吐三法
皆少陽之所忌其劑不過和解而已所以仲景止以小柴
胡湯而爲用者至當也然而經絡支別雖多所行非由正
道故爲病亦不能多也

太陰無發熱

証附太陰無吐法論

趙氏曰活人五十六問云陰証有發熱者乎太陰厥陰皆不
發熱只少陰有發熱証愚詳仲景論中二陰皆有發熱如少
陰二証外又有吐利手足不逆冷反發熱者不死少陰病一
身手足盡熱以熱在膀胱必便血少陰病四逆散中用柴胡

亦有發熱又厥陰病先厥後發熱而利者必自止下利脉數
有微熱汗出今欲愈面赤身微熱為鬱冒嘔而發熱小柴胡
與夫太陰病中風四肢煩疼是三陰皆有發熱何其言之拘
耶

又云太陰篇無吐法如虛煩臍實等症可吐者皆屬他經獨
華陀云四日在胸可吐之亦不曰太陰今活人傷寒問中云
太陰病在胸膈可吐何耶况胸中本非太陰經部分仲景雖
有下之則胸結硬是誤下後壞病也而胸下乃近心腹處亦
非吐藥可治也至于論脉仲景但云太陰尺寸俱沉細亦未
常言脉大

少陰發熱治例

汗少陰病治得之反發熱脉沉者麻黃附子細辛湯七

註曰少陰病當無熱惡寒反發熱者邪在表也雖脉沉以始得則氣未深亦當溫劑發汗以散之

張氏曰或云論傳經之邪自三陽而傳至太陰太陰則傳少陰此不言傳經而言始得之何也夫傳經者古人胡理立法之意如此安可執一而論哉夫三陽傷寒多自太陽入次第而傳至厥陰者固有也其三陽傷寒亦有自利不渴始自太陰而入者今少陰病始得之反發熱此自少陰而入者故云始得之緣少陰無身熱而今有熱故言反發熱謂不當發熱而熱也爲初病邪淺故與麻黃附子細辛湯以發散之

少陰病得之二三日麻黃附子甘草湯八十微發汗以二三日無証故微發汗也

註曰二三日邪未深也既無吐利微逆諸裏証則可與麻黃附子甘草湯微汗以散之

愚按此條無發熱因活人改作少陰熱陽症者而趙嗣真辯論甚詳故併及之

趙氏曰發汗湯劑各分輕重不同如麻黃桂枝青龍各半越婢等湯各有等差至于少陰發汗二症雖同用麻黃附子亦自有輕重加減之別故以加細辛爲重加甘草爲輕辛散甘緩之義也其第一症以少陰本無熱此發熱故曰反也蓋發熱爲邪在表而當汗又無脈沉屬陰而當溫故

以附子溫經麻黃散寒而熱須汗解故加細辛是汗劑之
重者第二症既無裏寒之可溫又無裏熱之可下求其所
用麻黃附子之意則是脈亦沉方可名曰少陰病身亦發
熱方可行發表又得之二三日病氣尚淺比之前症亦稍
輕故不重言脈症而但曰微發汗所以去細辛加甘草是
汗劑之輕者向使脈不沉身不熱又無他症則是無病人
也又何藥焉仲景本分作二症以別汗劑之輕重今活人
書却以第二症中除去無証二字改作常見少陰熱陽症
者如經云心中煩不得卧或咽中痞聲不得出或欬而嘔
渴或口燥咽乾或腹脹不大便數症皆是也夫豈麻黃附
子湯發汗劑所可治耶抑又有聞焉麻黃附子細辛湯為

治少陰病之脉沉反發熱者固也而仲景又有四逆湯治
太陽病之發熱反脉沉者均謂之反何也仲景云病發熱
頭痛脉反沉若不差身體疼痛者當救其裏宜四逆湯此
症出太陽篇又云少陰病始得之反發熱脉沉者麻黃附
子細辛湯此症出少陰篇竊詳太陽病發熱頭痛法當脉
浮今反沉少陰脉沉法當無熱今反熱仲景于此兩症各
言反者謂反常也蓋是太陽病脉似少陰少陰病症似太
陽所以謂之反而治之異也今深窮其旨均是脉沉發熱
以其有頭痛故爲太陽病陽症脉當浮今反不能浮者以
裏虛又寒正氣衰微所致又身體疼痛故宜救裏使正氣
內強逼邪出外而乾薑生附亦能出汗而解假使裏不虛

寒則當見脉浮而屬正太陽麻黃湯症也均是脉沉發熱
以其無頭痛故爲少陰少陰病當無熱今反寒邪在表未
傳入裏但皮腠鬱閉而爲熱而在裏無病故用麻黃細辛
以發表邪之熱附子以溫少陰之經假是寒邪入裏則外
必無熱當見吐利厥逆等症而屬正少陰四逆湯症也由
此觀之表邪浮淺發熱之反猶輕正氣衰微脉沉之反爲
重此四逆湯爲劑不爲不重于麻黃附子細辛湯也又可
見孰附配麻黃發中有補生附配乾薑補中有發仲景之
旨微矣嗟夫常病用常法夫誰不知設有証變者或脉變
者徃徃疑似參差亦欲以常法例治之惑矣如仲景所治
太陽少陰兩証脉沉發熱雖同而受病與用藥自別此實

証治之奇異故併及之

昔范云得時疫疾徐文伯胗之時梁武帝旦夕有丸錫之命雲欲速愈文伯曰速愈甚易恐二年後難起于是以火置地鋪桃栢葉布席置雲其上頃刻汗出以溫粉裹之遂愈雲後二年果卒吁取汗先期尚促壽限况妄投湯劑及不當汗而汗常汗而過汗乎

下少陰病七八日一身手足盡熱以熱在膀胱必便血也桃仁承氣湯

註曰膀胱太陽也少陰太陽為表裏少陰病至八九日寒邪變熱復傳太陽太陽為諸陽主氣熱在太陽故一身手足盡熱太陽經多血少氣為熱所乘則血散下行必便血

也

灸少陰病吐利手足不厥冷反發熱者不死脈不至者灸少陰七壯桂枝加豬膽汁湯

註曰經云少陰病吐利煩燥四逆者死吐利手足不厥冷者則陽氣不衰雖反發熱不死脈不至者吐利暴虛也灸少陰七壯以通其脈

吳氏曰太谿二穴在足內踝後根骨者陷中動脈灸二七壯亦宜大抵灸法惟陰寒所宜若燥熱陽症脈數者不可用

厥陰發熱治例

下傷寒一二日至四五日而厥者必發熱前熱者後必厥厥

深者熱亦深厥微者熱亦微厥應下之而反發汗者必口傷爛赤三黃瀉心湯大柴胡湯四十一

註曰前厥後發熱者寒極生熱也前熱後厥者陽氣內陷也厥深熱深厥微熱微隨陽氣陷之深淺也熱之伏深必須下去之又發汗者引熱上行必口傷爛赤內經曰火氣內發上為口糜

溫傷寒先厥後發熱而利者必自止見厥復利四逆湯九十一
註曰陰氣勝則厥逆而利陽氣復則發熱利必自止見厥則陰氣還勝而復利也

傷寒厥四日熱反三日復厥五日其病為進寒多熱少陽氣退故為進也宜四逆湯九十二

註曰傷寒陰勝者先厥至四五日邪傳裏重陰必陽邪熱三日七日傳經盡當愈若不愈而復厥者傳作并經至四日則當復熱若不復熱至五日厥不除者陰勝于陽其病進也

嘔而脉弱小便利身有微熱見厥者難治四逆湯九十九

註曰嘔而脉弱為邪氣傳裏嘔則氣上逆而小便當不利小便須利者裏虛也身有微熱見厥者陰勝陽也為難治與四逆湯溫裏助陽

下利脉沉而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也四逆湯九十九

註曰下利清穀脉沉而遲裏有寒也面少赤身有微熱表未解也病人微厥針經曰下虛則厥表邪欲解臨汗之時以裏先虛必厥冒然後汗出而解也

大汗出熱不去內拘急四肢疼又下利厥逆而惡寒者四逆湯九十

註曰大汗出則熱當去熱反不去者亡陽也內拘急下利者寒甚于裏四肢痛厥逆而惡寒者寒甚于表與四逆湯復陽而散寒也

和解熱利下重者白頭翁湯二百四

註曰利則津液少熱則傷氣氣虛下利致後重也與白頭

翁湯散熱厚腸

下利欲飲水者以有熱故也白頭翁湯四百

註曰自利不渴爲藏寒與四逆湯以溫藏下利飲水爲有熱與白頭翁湯以涼中

傷寒始發熱六日厥反九日而利凡厥利者當不能食今反能食者恐爲除中食以索餅不發熱者知胃氣尚在必愈恐暴熱來出而復去也後三月脉之其熱續在者期之日日夜半愈所以然者本發熱六日厥反九日復發熱三日并前六日亦爲九日與厥相應故期之旦日夜半愈後三日脉之而脉數其熱不罷者此爲熱氣有餘必發癰腫也宜黃芩湯十六

註曰始發熱和在表也至六日邪傳厥陰陰氣勝者作厥

而利厥反九日陰寒氣多當不能食而反能食者恐為除中除去也中胃氣也言邪氣大甚除去胃氣胃欲引飲自救故暴能食此欲勝也食以索餅試之若胃氣絕得麪則必發熱若不發熱者胃氣尚在也恐是寒極變熱因暴熱來而復去使之能食非除中也金匱要畧曰病人素不能食而反暴思之必發熱後三日脉之其熱續在者陽氣勝也期之旦日有夜半愈若旦日不愈後三日脉數而熱不罷者為熱氣有餘必發癰腫經曰數脉不時則生惡瘡不可溫之

傷寒先厥後發熱下利必自止而反汗出咽中痛者其喉為痺發熱無汗而利必自止若不止必便膿血便膿血者其喉

不痺咽痛甘草湯七
便血黃芩湯六
桃花湯白頭翁湯

二百四

註曰傷寒先厥而利陰寒氣勝也寒極變熱後發熱下利
必自止反汗出咽中痛其喉為痺者熱氣上行也發熱無
汗而利必自止利不止必便膿血者熱氣下行也熱氣下
而不止其喉亦不痺也

傷寒執少厥微指頭寒默默不欲食煩燥數日小便利色白
者此熱除也欲得食其病為愈若厥而嘔胸脇煩滿者其後
必便血黃芩芍藥湯六
抵當湯五
小柴胡湯四

註曰指頭寒者是厥微執少也默默不欲食煩燥者邪熱
初傳裏也數日之後小便利色白裏熱去欲得食為胃氣已

和其病為愈厥陰之脉挾胃貫膈布脇筋厥而嘔胸脇煩
滿者傳邪之熱甚于裏也厥陰肝主血後數日熱不去又
不得外泄迫血下行必致便血

傷寒發熱四日厥反三日復熱四日厥少熱多其病當愈四
日至七日熱除者其後必便膿血黃芩湯六十抵當湯五十九

註曰先熱後厥者陽氣邪傳裏也發熱為和氣在表至四
日後厥者傳之陰也後三日復傳陽經則復熱厥少則邪
微熱多為陽勝其病為愈至七日傳經盡熱除則愈熱不
除者為熱氣有餘內搏厥陰之血其後必大便膿血

下利脉數有微熱汗出今自愈設復緊為未解乾薑黃連黃

芩人參湯一附三

註曰下利陰病也脉數陽脉也陰病見陽脉者生微熱汗出陽氣得通也利必自愈諸緊為寒設復脉緊陰氣猶勝故云木解也

下利脉沉弦者下重也脉大者為未止脉微弱數者為欲自上雖發熱不死脉沉弦四逆湯九十脉大葛根黃連黃芩湯註曰沉為在裏弦為拘急裏氣不足是主下重大則病進此利未止脉微弱數者邪氣微而陽氣復為欲自止雖發熱止由陽勝非大逆也

自俞傷寒病厥五日熱亦五日設六日當復厥不厥者自愈厥不終五日以執五日故知自愈

註曰陰勝則厥陽勝則執先厥五日為陰勝至六日陽復

勝熱亦五日後復厥者陰復勝若不厥為陽全勝故自愈
經曰發熱四日厥反三日復熱四日厥少熱多其病為愈
下利有微熱而渴脉弱者今自愈麻黃湯二十

註曰下利陰寒之疾反大熱者逆微熱而渴裏氣方溫也

經曰諸弱發熱脉弱者陽氣得復也今必自愈

不治發熱而厥七日下利者為難治

註曰發熱而厥邪傳裏也至七日傳經盡則正氣勝邪當

汗出而解反下利則邪氣勝裏氣虛則為難治

傷寒六七日下利便發熱而利其人汗出不止者死有陰無

陽故也

註曰傷寒至七日為邪正爭之時正勝則生邪勝則死

不下利而暴忽發熱下利汗出不止者邪氣勝正陽氣脫故死

傷寒發熱下利厥逆躁不得卧者死

註曰傷寒發熱邪在表也下利厥逆陽氣虛也躁不得出者病勝藏也故死

汗吐下後發熱

太陽汗下後發熱

和解太陽病外症未除而數下之遂協熱而利利下不止心下痞硬表裏不解者桂枝人參湯八

註曰外症未除而數下之爲重虛其裏邪熱乘虛而入裏虛協熱遂利不止而心下痞若表解而下利心下痞者可

與瀉心湯若不下利表不解而心下痞者可先解表而後
攻痞以表裏不解故與桂枝人參湯和裏解表○此即理
中加桂

張氏曰或問大柴胡湯瀉也桂枝人參湯補也何為皆治
下利心下痞硬予曰此非裏實乃下之早因作痞裏虛協
熱而利也不觀成氏註云若表解而下利心下痞者是裏
實也可與瀉心湯若不下利表不解而心下痞者可先解
表而後攻痞此以表裏不解故與桂枝人參湯和裏解表
夫傷寒發熱汗出不解心下痞硬嘔吐而下利者表和而
裏病也以心中痞硬故為實當以大柴胡湯下之二者心
下痞硬雖同而虛實之症有別故用藥有攻補之異也

傷寒若吐若下後七八日不解熱結在裏表裏俱有熱時七
惡風大渴舌上乾燥而煩欲飲水數升者白虎加人參湯十
二

註曰若吐若下後七八日則當解復不解而熱結在裏表
熱者身熱也裏執者內熱也本因吐下後邪氣乘虛內陷
爲結執者若無表執而純爲裏執則邪執結而爲實此以
表執未罷時時惡風若邪氣純在表則惡風無時若邪氣
純在裏則更惡風以時時惡風知表裏俱有熱也邪執結
而爲實者則無大渴邪熱散漫則渴今雖執結在裏表裏
俱執未爲結實邪氣散漫薰蒸焦膈故大渴舌上乾燥而
煩欲飲水數升與白虎加人參湯散熱生津

服桂枝湯 或下之仍頭項強痛翕翕發熱無汗心下滿微

痛小便不利者桂枝去桂加茯苓白朮湯叔三

註曰頭項強痛翕翕發熱雖經汗下為邪氣仍在表也心

下滿微痛小便利者則欲成結胸今外症未罷無汗小便

不利則心滿微疼為停飲也與桂枝湯以解外加茯苓白

朮利小便行留飲

張氏曰或問上條所云頭項強痛此邪氣仍在表也雖經

汗下而未解猶宜解散之何故去桂加茯苓白朮湯主之

是無意於表也予曰此非桂枝証乃屬飲家也夫頭項強

痛既經汗下而不解心下滿而微痛小便不利此為水飲

內蓄和不在表故云去桂枝加茯苓白朮若得小便利水

飲行腹滿減而熱自除則頭項強痛悉愈矣且如十棗湯症頭亦痛乃邪熱內蓄而有伏飲故頭痛其飲水頭痛不雖攻表但宜逐飲飲盡則病安矣

發汗後不可更行桂枝湯一汗出而喘無大熱者可與麻黃

杏仁甘草石膏湯二十

註曰發汗後喘當作桂枝加厚朴杏仁湯汗出則喘愈今汗出而喘為邪氣雍甚桂枝湯不能發散故不更行桂枝湯汗出而喘有大熱者內熱氣甚也無大熱者表邪必甚也與麻黃甘草石膏湯以散其邪

張氏曰予觀仲景常言發汗後乃表邪悉解止餘一症而已故言不可更行桂枝湯今汗出而喘無大熱乃上焦餘

邪未解當用麻黃甘草杏仁石膏湯以散之夫桂枝加厚
朴杏仁湯乃桂枝症悉具而加喘者用之註言汗出而喘
以為邪氣壅甚非桂枝所能發散此誤也况身無大熱更
無証何故復言表邪必甚也其後章下後不可更行桂枝
湯條下註曰汗下雖殊既不當損正氣則一其言有至理
存焉可見汗後所註之誤矣原其理當時因事發機前後
失于照應故有此等之弊也

下後不可更行桂枝若汗出而喘無大熱者與麻黃杏仁甘

草石膏湯

二十四

註曰上條云發汗不可更行桂枝湯汗出而喘無大熱者
為與此治法同汗下雖殊既不當損正氣則一印氣專既

同遂用一法治之經所謂若發汗若下若吐者是矣
太陽病發汗後大汗出胃中乾煩燥不得眠欲飲水者少少
與之令胃氣和則愈若脉浮小便不利微熱消渴者與五苓
散

註曰發汗已解胃中乾煩燥不得眠欲飲水者少少與之
胃氣得潤則愈若脉浮者表未解也飲水多而小便少者
謂之消渴裏熱甚實也微熱渴者熱未成實上焦燥也與
五苓散生津液和表裏○若汗後渴可用之

凡柴胡湯四十病症而下之若柴胡症不罷者復與柴胡湯
必蒸蒸而振却發熱汗出而解

註曰邪在半表半裏之間為柴胡症即未作裏實醫便以

藥下之若柴胡症仍在者雖下之不為逆可復與柴胡湯以和解之得陽邪氣還表者外蒸而熱先經下裏虛邪氣欲出內則振振然也正氣心陽氣生却復發熱汗出而解

吐發汗若下之而煩熱胸中窒者梔子豉湯宜與小陷胸湯九十主之

註曰陽受氣于胸中發汗若下使陽氣不足邪熱客于胸中結而不散故煩熱而胸中窒塞與枝子豉湯吐胸中之邪也

傷寒五六日大下之後身熱不去心中結痛者未欲解也梔子豉湯小陷胸湯九十

註曰傷寒五六日邪氣在裏之時若大下後身熱去心胸
空者為欲解若大下後身熱去而心結痛者結胸也身熱
不去心中結痛虛煩也結胸為熱結胸中為實是熱氣已
收斂于內則外身熱去虛煩為熱客胸中未結為實散漫
為煩是以身熱不去六七日為欲解之時以熱為虛煩故
云未欲解也與枝子豉湯以吐除之

傷寒醫以丸藥大下之身熱不去微煩者梔子乾薑湯三十一

註曰丸藥不能除熱但損正氣邪氣乘虛留于胸中而未
入深者則身甚熱不去而微煩與梔子乾薑湯吐煩正氣
已上皆吐劑甘草瀉心微瀉為胃寒梔子治胃口熱故
不可與也枳實理中丸

温下之後復發汗晝日煩燥不得眠夜而安靜不嘔不渴無表症脉沉微身無大熱者乾薑附子湯三百主之

註曰下之虛其裏汗之虛其表既下又汗則表裏俱虛陽

主平晝陽欲復虛不勝邪正邪交爭故晝日煩燥不得眠

夜主陰陽虛不能與之爭是夜則安靜不嘔不渴者裏無

熱也身無大熱者表無熱也又無表症而脉沉微和陽氣

大虛陰寒氣勝與乾薑附子湯退陰復陽

太陽病發汗汗出不解其人仍發熱心下悸頭眩身瞤動振

振欲僻地者真武湯三百主之

註曰發汗不解仍發熱邪氣未解也心下悸頭眩身瞤動

振振欲僻地者汗出亡陽也裏虛為悸上虛為眩經虛為

身暈振振搖與真武湯主之溫經復陽

小逆太陽病當惡寒發熱今自汗出不惡寒發熱關上脉微細者以醫吐之過也一二日吐之者腹中飢口不能食三四日吐之者不喜糜粥欲食冷食朝食暮吐以醫吐之所致也此為小逆桂枝白朮茯苓甘草龍骨牡蠣小和胃氣黃芩半夏生薑湯

註曰惡寒發熱為太陽表病自汗出不惡寒發熱者陽明症本太陽表病醫反吐之傷動胃氣表邪乘虛傳于陽明也以關脉細數知醫吐之所致病一二日為表邪尚寒而未成熱吐之則表寒傳于胃中胃中虛寒故腹中飢而口不能食病三四日則表邪已傳成熱吐之則表熱乘虛入

胃胃中虛執故不喜糜粥欲食冷食朝食暮吐也朝食暮吐者晨食入胃胃虛不能剋化即知至暮胃氣行裏與邪氣相搏則胃氣反逆而以胃氣尚在故止云小逆

火逆太陽病醫發汗遂發執惡寒因復下之心下痞表裏俱虛陰陽氣並竭無陽則陰獨復加燒針因胸煩面色青黃膚濇者難治方已微黃手足溫者易愈惡寒附子赤芍藥湯發熱小柴胡加桂枝湯咽十心下痞半夏瀉心湯

註曰太陽病因發汗遂發執惡寒者外虛陽氣邪復不除也因復下之又虛其裏表中虛邪內陷傳于心下為痞發汗表虛為竭陽下之裏虛為竭陰表証罷為無陽裏有痞為陰獨又加燒針虛不勝火火氣內攻致胸煩也傷寒之

病以陽爲主其人面色青膚肉瞤動者陽氣大虛故云難
治若面色微黃手足溫者即陽氣得復故云易愈○此誤
于火者膚肉潤則血竭矣故難治身黃猶有血者故易愈
太陽病二日反躁比熨其背而大汗出火熱入胃胃中水竭
躁煩必發譫語十餘日振慄自下利者此爲欲解也故其汗
從腰已下不得汗欲小便不得反嘔欲失溲足下惡風大便
硬小便當數而反不數及多大便已頭卓然而痛其人足心
必熱穀氣下流故也若汗多先桂枝湯一後調胃穀氣下流
小和之小承氣湯五十

註曰太陽病二日則邪在表不當發躁而反躁者熱氣行
于裏也反熨其背而發汗大汗出則胃乾燥火熱入胃胃

中燥熱躁煩而讖語至十餘日振慄自下利者火邪勢微
陰氣復生津液得復也故爲欲解火邪去大汗出則愈若
從腰以下不得汗則津液不得下通故欲小便不得熱氣
上逆而反嘔也欲失溲足下惡風者氣不得通于下而虛
也津液偏滲今大便硬者小便當數經曰小便數者大便
必硬也此以火熱內燂津液不得下通故小便不數及不
多也若火熱消津液和則結硬之便得潤因有大便也便
已頭卓然而痛者先大便硬則陽氣不得下通旣得大便
則陽氣降下頭中陽虛故卓然而痛穀氣者陽氣也先陽
氣不通于下之時足下惡風今陽得下故足心熱也

傷寒五六日嘔而發熱者柴胡湯症具而以他藥下之柴胡
症仍在者復與柴胡湯此雖已下之不爲逆必蒸蒸而振却
發熱汗出而解若心下滿而硬痛者此爲結胸也大陷胸湯
主之但滿而不痛者此爲痞柴胡不可與之宜半夏瀉心
湯主之

註曰傷寒五六日邪在半表半裏之時嘔而發熱邪在半
表半裏之症具以他藥下之柴胡症不罷者不爲逆却與
柴胡湯則愈若下後邪氣傳裏者邪在半表半裏則陰陽
俱有邪至於下後邪氣傳裏亦有陰陽之異若下後陽邪
傳裏者則結于胸中爲結胸以胸中爲陽受氣之分與大
陷胸湯以下其結陰邪傳裏者則留於心下爲痞以心下

爲陰受氣之分與半夏瀉心湯以通其痞經曰病發于陽而反下之熱入因作結胸病作爲陰而反下之因作痞此之謂也○活人云知是痞先用桔梗枳殼湯尤妙此方行氣下膈用之無不効也正氣未衰裏不受邪必蒸蒸而振發熱汗出然後則愈若下後邪傳裏甚者心下滿而硬痛者爲結胸以大陷胸湯以下裏執邪微但滿而不痛此爲痞柴胡不可與宜半夏瀉心湯○無已云不從陽邪傳裡者則結于胸中以胸中爲陽受邪與陷胸湯○仲景云心下滿而硬痛者爲結胸人之胸在心之下成無已巧言曲喻以陽受邪氣于胸中陽邪傳裏則結于胸爲結胸者誤也

陽明汗吐後發熱例

吐陽明病下之其外有熱手足溫不結胸心中懊憹飢不能食但頭汗出者枝子豉湯十主之

註曰表未罷而下者應邪熱內陷也熱內陷者則外熱而無手足寒今外有熱而手足溫者熱雖內陷然而不深故不作結胸也心中懊憹飢不能食者熱客胸中爲虛煩也熱自胸中薰蒸于上故但頭汗出而身無汗與梔子豉湯以吐胸中之虛煩

下太陽病三日發汗不解蒸蒸發熱者屬胃也調胃承氣湯主之

註曰蒸如執薰蒸言甚熱也太陽病三日發汗不解則表

邪已罷蒸蒸發熱胃熱爲甚與調胃承氣湯下胃熱

發汗後惡寒者虛故也不惡寒但熱者實也當和胃氣與調

胃承氣湯

註曰汗出而惡寒者表虛也汗出而不惡寒但熱者裏實也經曰汗出而不惡寒此表解裏未和與調胃承氣湯以和胃氣

傷寒若吐若下後不解不大便五六日上至十餘日日晡所發潮熱不惡寒獨語如見鬼狀若劇者發則不識人循衣摸牀惕而不安微喘直視脉弦者生濇者死微者但發熱譫語者大承氣湯五十主之若一服利止後服

註曰若吐若下皆傷胃氣不大便五六日上至十餘日亡

津液胃氣虛邪氣內結也陽明至于申酉戌日晡所發潮
熱者陽明熱甚也不惡寒者表症罷也獨語如見鬼狀者
陽明內實也以爲熱氣有餘若劇者是熱氣甚大也熱大
甚于內昏胃正氣使不識人至于循衣摸牀惕而不安微
喘直視傷寒陽勝而陰絕者死陰勝而陽絕者死熱劇者
爲陽勝脉弦爲陰有餘澁爲陰不足陽邪氣留于心下也
如其不下者必漸不惡寒而渴太陽之邪轉屬陽明也若
吐若下若發汗後小便數大便硬者當與小承氣湯和之
此不因吐下發汗後小便數大便硬若是無滿實雖不更
衣十日無所苦也候津液還入胃中小便數少大便必自
出也渴欲飲水者少少與之以潤胃氣但審邪氣所在以

法救之如渴不止與五苓散是也

張氏曰或問上條云小便數者大便必硬不更衣十數日無所苦也嘗有四五日六七日不大便者即爲攻之今言十日不更衣而不用攻伐何也曰此非結熱乃津液不足雖十日不更衣亦無所苦也經曰陽明病本自汗出醫更重發汗病已瘥尚微煩不了了者此大便必硬故也以亡津液胃中乾燥故令大便硬當問其小便日幾行本小便日三四行今日再行故知大便不久出數少以津液當還胃中故知不久大便也夫不便者若有潮熱讖語當下之症者然後可以攻之其不大便而無諸下症者此津液不足當須自審其物以日數久而驟爲攻下也

大陽病寸緩關浮尺弱其人發熱汗出復惡寒不嘔但心下痞者此以醫下之也如其不下者病人不惡寒而渴此轉屬陽明也小便數者大便必硬不更衣十數日無所苦也渴欲飲水少少與之但以法救之渴者宜五苓散附子瀉心湯百三小柴胡加桂枝湯四十桂枝湯一

註曰太陽病脉陽浮陰弱爲邪在表今寸緩關浮尺弱邪氣漸傳裏則發熱汗出復惡寒者表未解也傳經之邪入裏裏不和者必嘔此不嘔但心下痞者醫下之早熱雖劇脉弦知陰未絕而猶可生脉濇則絕陽復不可治其邪熱微而未至于劇者但發熱亂語可與大承氣湯以下胃熱經曰凡服下藥中病則止不必盡劑此以熱未劇故云一

服利則止後服○雖吐雖下用不如經邪氣內熾反生別証故致是也大承氣湯全其功效也

趙氏曰此段當分作三截看自傷寒若吐若下後不解不大便五六日上至十餘日日晡所發漸熱不惡寒獨語如見鬼狀止爲上一截是將潮熱譫語不惡寒不大便對爲現証下文又分作一截以辨劇者微者之殊微者但發熱譫語但字爲義以發熱譫語之外別無他症其用承氣湯曰一服利止後服見其熱輕猶恐下之太過也至于劇者發則不識人循衣摸牀惕而不安微喘直視如此熱極症危不可不決其死生以斷之以脉弦者生濇者死此陽熱已極若脉弦爲陰未絕猶可下之以復其陰若脉濇爲陰

絕不可藥而必死矣。今活人書但言劇者而去其微者二字混兩症通作一症。總曰用承氣湯。又將脉弦者生瀉者。死本劇者斷語移而繼于微者。服藥之後豈有但發熱讖語無別惡候遽然脉瀉而致于死耶。仲景論中雖別有潮熱讖語脉瀉難治一症。乃是服承氣湯後未曾得大便蘊毒不泄脉反微瀉爲正衰邪勝故難治。此論中病微者服湯得利後則邪熱因泄而解矣。尚何生死之議耶。又云弦者陽也。瀉者陰也。陽病見陰脉者生在仲景法中。弦瀉者屬陰不屬陽得無疑乎。

隨病治例。陽明病脉遲。雖汗出不惡寒者。其身必重。短氣腹滿而喘。有潮熱者。此外欲解可攻裏也。手足濇然而汗出。

者此大便已鞭也大承氣湯五十主之若汗多微發熱惡寒者外未解也其熱不潮若腹大滿不通者可與小承氣湯五十

附餘活云大下後血氣弱其人亡血病當惡寒反乃熱無休止時為難治大抵傷寒八九日已上大熱者為難治

附辨瘡瘍發熱

吳氏曰經言諸脉浮數當發熱而洒淅惡寒若有痛處飲食如常畜積有膿也又曰數脉不時則生惡瘡也所以惡瘡初生必寒熱交作不可便以傷寒治之須視病人脊背頭面有無瘡頭若有小紅白膿頭瘡須當仔細辨之凡發背初作只起一小瘡二三日乃大發若疔瘡初作全與傷

寒相似若一例而發汗或誤投寒涼之藥則誤矣

附辨內傷瘀血發熱

吳氏曰人或從高墜下擗撲損傷或被人拳踢物撞有所閃肭不覺至十餘日寒熱作其脇下少腹疼痛按之不可近者此有瘀血也或時瘀血上冲昏迷如死良久復甦宜復元活血湯或當歸導滯散桃仁承氣湯加蘇木紅花童便下其瘀血即愈若誤作傷寒治之而發汗則誤之也凡有瘀血停蓄之處則腫疼手不可近也其脉多見芤瀦以此別之其傷損藥方俱見袖珍方損傷門宜詳而用之也蓋肝爲血海凡所有瘀血必蓄于脇下或少腹之分乃肝部也但小便如常者血証諦也若不識血証之諦而妄攻

其血則損元氣夭折人命也

附傷寒熱甚五十九刺

凡五十九刺者頭上五行以尅越諸陽之熱也

大杼 膺俞 缺盆 背俞

此八者以寫胸中之熱也

氣衝 三里 巨虛 上下廡

此八者以寫胃中之熱也

雲門 偶骨 委中 髓空

此八者以寫四肢之熱也

五藏俞傍五此十者以寫五藏之熱也凡刺之法吸則納

針得氣則為勿令遲緩起若緩後故執者寫之疾之也

刺執病汗不出七穴宜刺

商陽 合骨 腕骨 陽谷 俠谿 厲兌 勞宮

潮執第二

成氏曰潮執屬陽明陽明旺于未申一日一發日晡而發若潮汛之潮不失其時若日三五發者非也潮執屬陽明而太陽亦有之大陷胸一症是也潮執為裡實可下之症一或脉浮而緊與其潮熱而利或小便難大便溇者又未可攻執若發于寅卯時者屬少陽發于巳午時者屬太陽

皆為邪未入胃非潮熱也

太陽潮執浴例

下太陽病重發汗而復下之不大便五六日舌上燥而渴日

晡小有潮熱從心下至少腹硬滿而痛不可近者大陷胸湯

二十九主之

註曰重發汗而復下之則內外重亡津液而熱內結致不大便五六日舌上燥而渴也口晡潮熱者屬胃此口晡小有潮熱非但在胃從心下至少腹硬滿而痛不可近者是一腹之中上下邪氣俱甚者也宜陷胸湯以下其邪

丹溪曰謹按太陽病已重發汗表則虛矣而復下之裏又虛矣不大便五六日可見津液之耗矣非若前章之未曾發汗而但下之傷于平爾今雖有硬痛而可以迅攻之乎若曰潮熱于申酉係陽明屬調胃承氣症既又曰小有潮熱猶可疑待之間將無他法以緩取之乎

陽明潮熱治例

下陽明病譫語有潮熱反不能食者胃中必有燥屎五六枚也若能食者但硬耳宜大承氣湯五十下之

註曰譫語潮熱為胃執當消穀引食反不能食者胃中有燥屎而胃中實也若能食者胃中虛熱雖硬不得為有燥屎雜病虛為不欲食實為欲食傷寒則胃實熱甚者不能食胃中虛熱甚者能食與雜病為異也大承氣湯以下燥屎逐結熱

二陽併病太陽症罷但發潮熱手足熱汗出大便難而譫語者下之則愈宜大承氣湯五十主之

註曰本太陽病併于陽明名曰併病太陽症罷是無表症

但發潮熱是屬陽明一身汗出為熱越今手足熱熱汗出是熱聚于胃也必大便難而譫語經曰手足熱然而汗出者必大便已硬也與大承氣湯以下胃中實熱

傷寒若吐若下後不解下大便五六日至十餘日日晡所發潮熱不惡寒獨語如見鬼狀若劇者發則不知人循衣摸牀惕而不安微喘百見脉弦者生瀝者但發熱譫語者大承氣

湯五十一服利止七服

和解陽明病潮熱大便溏小便自可胸脇滿不去者小柴胡湯四十一主之

註曰陽明病潮熱為胃實大便硬而小便數今大便溏小便自可則熱未實而水穀不別也大便溏者應氣降而胸

協滿去今反不去者邪氣猶在半表半裏之間與小柴胡湯以去表裏之邪○屬少陽也

陽明病脉浮而緊必潮熱發作有時但浮者必盜汗出

註曰浮爲在經緊者裏實脉浮緊者表熱裏實也必發潮熱發作有時若脉但浮而不緊者止是表熱也必盜汗出盜汗者睡而汗出也陽明病裏熱者自汗表熱者盜汗○柴胡薑桂湯桂枝茯苓白朮湯活人云盜汗黃芩湯

難治陽明病讖語潮熱脉滑而疾者小承氣湯五十主之湯入腹中轉失氣者更與一升不轉失氣勿更與之明日不大便脉反微澁者裏虛也爲難治不可更與承氣湯也

註曰陽明病讖語發潮熱若脉沉實者內實也則可下若

脉滑疾為裏熱未實則未可下先與承氣湯和之湯入腹
 中轉失氣者中有燥屎可更與小承氣湯一升以除之若
 不轉失氣者是無燥屎不可更與小承氣湯至明日邪氣
 傳時脉得沉實緊牢之類是裏實也反得微澁者裏氣大
 虛也若大便利後脉微澁者止為裏虛而尤可此不曾大
 便脉反微澁是正氣內衰為邪勝也故曰難治

隨病治例

陽明中風脉弦浮大而短氣腹都滿脇下及心痛久按之氣
 不通鼻乾不得汗嗜卧一身及面目悉黃小便難有潮熱時
 時噦耳前後腫刺之少瘥外不解病過十日脉續浮者小柴
 胡湯四十一脉但浮無餘症者與麻黃湯二十若不尿腹滿加

喘者不治茵陳五苓散八十一少陽小柴胡湯四十一太陽症麻
黃湯二十

註曰浮大爲陽風在表也弦則爲陰風在裏也短氣腹滿
脇下及心痛風熱壅于腹中而不通也若寒客于內而痛
者按之則寒氣散而痛止此以風熱內壅故雖久按而氣
亦不通陽明病鼻乾不得卧自汗出者邪在表也此鼻乾
不得汗而嗜卧者風熱內攻不干表也一身面目悉黃小
便難有潮熱時時噦者風熱攻于胃也陽明之脉出大迎
循頰車上耳前過額主人熱甚則腫此風熱在經故耳前
後腫刺之經氣通腫則小差如此者外症罷則可攻若外
症不解雖過十日脉續浮者邪氣尚在半表半裏與小柴

胡湯以和解之若其脉但浮而不弦大無諸裏症者是邪
在表也可與麻黃湯以發其汗若不尿腹滿加噦者關
格之疾也故云不治難經曰關格者不得盡其命而死茵
陳五苓散八少陽症小柴胡湯四太陽症麻黃湯二十
病人煩熱汗出則解又如瘧狀日晡所發熱者屬陽明也脉
實者宜下大承氣湯五脉浮虛者其發汗桂枝湯一
陽明病潮熱大便微硬者可與大承氣湯五不硬者勿與
之若不大便六七日恐有燥屎欲知之法少與小承氣湯五
八湯入腹中轉失氣者此有燥屎乃可攻之若不轉失氣者
此但初頭硬後必溏不可攻之攻之必脹滿不能食也欲飲
水者與水則噦其後發熱者必大便復硬而少也以小承氣

湯和之不轉失氣者慎不可攻也

陽明病脉遲雖汗出不惡寒者其身必重短氣腹滿而喘有潮熱者此外欲解可攻裏也手足濇然汗出者大便已硬也大承氣湯五主之若汗多微發熱惡寒者外未解也其熱不潮未可與承氣湯若腹滿不通者可與小承氣湯五微和胃氣勿令大泄下

隨病救逆

傷寒十三日不解胸脇滿而嘔日晡潮熱已而微利此本柴胡症下之不利今反利者知醫以丸藥下之非其治也潮熱者實也宜先小柴胡湯四以解外後以柴胡加芒硝主之註曰傷寒十三日再傳經盡當解之時也若不解胸脇滿

而嘔者邪氣猶在表裏之間此為柴胡湯症若以柴胡湯下之則更無潮熱自利醫反以丸藥下之虛其腸胃邪熱乘虛入府日晡所發潮熱熱已而利也潮熱雖為熱實然胸脇之邪未已故先與小柴胡湯以解外後以柴胡加芒硝以下胃熱○或云丸藥多有巴豆故此用大柴胡加芒硝以泄巴豆之毒也

往來寒熱第三

附似瘧

成氏曰往來寒熱者寒已而熱作熱已而寒起蓋寒為陰熱為陽裏為陰表為陽邪客為表與陽爭則發寒矣邪入于裏與陰爭則發熱矣表邪多則寒多而熱少裏邪多則熱多而寒少邪在半表半裏之間外與陽爭而為寒內與陰

爭而爲熱表裏之不拘內外之無定由是寒熱往來而無常也故以小柴胡立諸加減法以和解之又寒熱如瘧與夫往來寒熱似是而非也如瘧者止作有時正氣與邪爭則作分則止矣往來寒熱則止作無時或往或來口有三五發或者十數發此其與瘧異也雖然往來寒熱屬半表半裏當和解之又有病至十餘日熱結在裏復往來寒熱亦宜大柴胡下而愈

趙氏曰傷寒百問歌第五十九問中以陰陽相勝陽不足則先寒後熱陰不足則先熱後寒此特論陰陽雜病二氣自相乘勝然也非可以語傷寒

往來寒熱治法

和解傷寒五六日中風往來寒熱胸脇苦滿默默不欲飲食煩喜嘔或胸中煩而不嘔或渴或腹中痛或脇下痞或心下悸小便不利或不渴身有微熱或咳者與小柴胡湯四十分本太陽不解轉入少陽者脇下硬滿乾嘔不能食往來寒熱尚未吐下脈沉緊者與小柴胡湯四十分

註曰太陽轉入少陽是表邪入于裏脇下鞭滿不能食往來寒熱邪在半表半裏之間若已經吐下脈沉緊者邪氣入府爲裏實尚未可吐下脈沉緊爲傳裏雖深未至入府外猶未解與小柴胡湯以和解之

若已吐下發汗溫針譫語柴胡湯証罷此爲壞病知犯何逆

曰少陽之邪在表裏之間若妄吐下發汗溫鍼損耗津液胃中乾燥木邪于胃必發譫語若柴胡症不罷者則不為逆柴胡症罷者壞病也詳其因何治之逆以法救之○救壞病助榮衛生津液桂枝湯求之

傷寒五六日已發汗而復下之胸脇滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯加主之○難知曰若用柴胡而移時于早晚氣移于血血移于氣是邪無所容之地故知其欲自解也

註曰傷寒五六日已經汗下之後則邪當解今胸脇滿微結小便不利渴而不嘔但汗出往來寒熱心煩者則邪氣尤在半表半裏之間為未解也胸脇滿微結寒熱心煩者

邪在半表半裏之間也小便不利而渴者汗下後亡津液
內躁也若熱消津液令小便不利而渴者其人必嘔今渴
不嘔知非裏熱也傷寒汗出則和今但頭汗出餘處無汗
者津液不足而陽虛于上也與柴胡桂枝乾薑湯以解表
裏之邪復津液以助陽也

下傷寒十餘日熱結在裏復往來寒熱者與大柴胡湯四十
但結胸無大熱者此爲水結在胸脇也但頭微汗出大陷胸
湯九十一主之

註曰傷寒十餘日熱結在裏是爲可下之症復往來寒熱
爲正邪分爭未全斂結與大柴胡湯下之但結胸無大熱
者非熱結也是水飲結于胸脇謂之水結胸間身汗出者

是水飲外散則愈但頭微汗出餘處無汗是水飲不得外泄停畜而不行也與大陷胸湯以逐其水

隨病救逆

本太陽病不解轉入少陽脇下硬滿乾嘔不能食徃來寒熱尚未吐下脉沉緊者與小柴胡湯四十一主之

註曰太陽轉入少陽是表邪入于裏脇下硬滿不能食徃來寒熱者邪在半表半裏之間若已吐下脉沉緊者邪氣入府爲裏實尚未可吐下脉沉緊爲傳裏雖未至入府外猶未解與小柴胡湯以和解之

若已吐下發汗溫針譫語柴胡証罷此爲懷病知犯何逆以法治之

註曰少陽之邪在表裏之間若妄吐下發汗溫針損耗津液胃中乾燥木邪于胃必發譫語若柴胡証不罷者則不為逆柴胡証罷者壞病也詳其因何治之逆以法救之○此壞病助榮衛生津液桂枝湯以求之

因正虛自表之裏而結為脇下與正分爭作徃來寒熱默默不欲飲食此為自外之內經絡與藏府相連氣隨經必傳于裏故曰其痛下痛一作病邪在上焦為邪高邪漸傳裏為痛下裏氣與邪氣相搏逆而上行故嘔也與小柴胡湯解半表半裏之邪○服小柴胡湯表邪已而渴表邪傳于陽明也以陽明治之

溫少陰病下利清穀裏寒外熱手足厥逆脈微欲絕身及不
惡寒其人面赤色或腹痛或乾嘔或咽痛或利止脈不出者
通脈四逆湯三百主之

註曰下利清穀手足厥逆脈微欲絕爲裏寒身熱不惡寒
面赤色爲外熱此陰甚于內格陽于外不相通也與通脈
四逆湯散陰通陽

既吐且利小便復利大汗出下利清穀內寒外熱脈微欲絕
者四逆湯九主之

註曰吐利亡津液則小便當少小便復利而大汗出津液
不禁陽氣大虛也脈微爲亡陽若無外熱但內寒下利清
穀爲純陰此以外熱爲陽未絕猶可與四逆湯救之

下利清穀裏寒外熱汗出而厥者通脈四逆湯九

註曰下利清穀爲裏寒身熱不解爲外熱汗出陽氣通行于外則未當厥其汗出而厥者陽氣大虛也與通脈四逆湯以固陽氣

脈浮而遲表熱裏寒下利清穀者四逆湯九主之

註曰浮爲表熱遲爲裏寒下利清穀者裏寒甚也與四逆湯溫裏散寒

隨病治例

病人身大熱反欲近衣者熱在皮膚寒在骨髓也身大寒反不欲近衣者寒在皮膚熱在骨髓也表熱裏寒者脈雖沉而遲手足微厥下利清穀此裏寒也所以陰症亦有發熱者此

表解也○四逆湯通脉四逆湯九十表寒裏熱者脉必滑身厥舌乾也所以少陰惡寒而蹇此表寒也時匕自煩不欲近衣此裏熱也大柴胡湯四十

附熱多寒少

和解太陽病發熱惡寒熱多寒少脉微弱者此无陽也不可發汗宜桂枝二越婢一湯十○劉氏曰脉遲小建中加黃芪湯九或温中

隨病治例

太陽病八九日如瘧狀發熱惡寒熱多寒少其人不嘔清便欲自可一日二三度發脉微緩者為欲愈脉微惡寒者此陰陽俱虛不可更發汗更下更吐也面色反有熱色者未欲解

也以其不得小汗出身必痒宜桂枝麻黃各半湯三主之
趙氏曰愚詳仲景論中執多寒少止有二症如上文一症
仲景之意蓋以得病七八日如瘧狀發熱惡寒執多寒少
十六字為自初至今之症以下文乃是已後擬病防變之
辭當分作三截看若其人不嘔清便欲自可一日二三度
發脈微緩為欲愈此一節乃裏和無病而脈微緩微者邪
氣微緩者陰陽同等脈証皆向安之兆可不待汗而欲自
愈也若脈微而惡寒者此陰陽俱虛不可發汗更下更吐
也此一節宜溫之若面色反有熱者未欲解也以其不能
得小汗出其身必痒宜各半湯此一節必待汗而後愈也
活人書不詳文意即將其人不嘔清便欲自可九字本是

欲愈之症反以他症各半湯汗之又將不可汗吐下及各
半湯証語句並脫畧而不言反將其中欲愈之証而用彼
藥汗其所不當汗何也其第二症仲景云太陽病發熱惡
寒熱多寒少脉微弱者亡陽也不可發汗宜桂枝二婢一
湯活人書于脉微弱上添都大二字豈以仲景論脉爲未
足而加之乎其第三症尺脉遲者仲景論中無熱多寒少
語句但云脉浮緊法當身疼痛宜以汗解之假令尺中遲
者不可發汗以榮氣不足血少故也活人書但舉尺中遲
血少之語自添寒少熱多四字加于其上因而編入此問
中何耶如一証尺遲者止當收入不可汗門中

附寒多熱少

劉氏曰仲景一書只有熱多寒少之條無寒多熱少之証又

云不煩躁手足厥逆為傷寒脉反浮緩為傷風大青龍湯

三十或云各半湯三

附似瘧 太陽病八九日如瘧出熱多寒少條

汗服桂枝湯一大汗出脉洪大者與桂枝湯如前法若形如

瘧日再發者汗出必解宜桂枝二麻黃一湯十二

註曰經云如服一劑病症猶在者故當復作本湯服之桂

枝湯汗出後脉洪大者病猶在也若形如瘧日再發邪氣

客于榮衛之間也與桂枝二麻黃一湯以解散榮衛之邪

也

病人煩執汗出則解又如瘧狀日晡發熱屬陽明也脉實者宜下大承氣湯五十脉浮虛者宜汗桂枝湯一

和解婦人中風七八日續得寒熱發作有時經水適斷者此

為熱入血室其血必結故為瘧狀發作有時小柴胡湯四十

註曰中風七八日邪氣傳裏之時本無寒熱而續得寒熱

經水適斷者此為表邪乘虛入血室與血相搏而血結不

行經水所以斷也血氣與邪分爭致寒熱如瘧發作有時

與柴胡湯解經之邪○仲景首尾在此論婦人病宜詳其

原

惡寒第四 附汗後惡寒

成氏曰風寒客于榮衛則惡寒非寒熱之寒亦非風寒之寒

謂寒熱更作執至則寒無矣惡風者得居密室則坦然自
舒矣惡風者見風則惡至于惡寒則不待風而寒雖身大
熱而不欲去衣甚至向火覆被而猶莫能遏此由陰氣上
入陽中或陽微或風寒相搏之所致也惡寒悉屬表症雖
裏症悉具尚微惡寒者亦是表未解猶當先解其外俟不
惡寒乃可攻裏經曰發熱而惡寒者發于陽也如傷寒或
未發熱必惡寒者謂繼之
以發熱此則發于陽也無熱而惡寒者發于陰也若惡
此則發于陰也在陽可發汗在陰可溫裏然治惡寒又
當審其虛實若汗出惡寒為表虛宜解肌若無汗惡寒為
表實宜發汗又止稱背惡寒者諸陽受氣于胸中而轉行
于背陽氣不足陰寒氣盛而所為之惡寒狀亦有三

經謂少陰病一二日口中和而背惡寒當灸之處以附子湯此則陰寒為病不能消耗津液故于少陰則曰口中和知其內寒也經謂傷寒無大熱口燥渴心煩背微惡寒者白虎加人參湯六十此則陽氣內陷熱燥津液故于太陽則曰口乾燥六經俱有惡寒人宜精別

趙氏曰傷寒第九十問中云太陽病七八日脈細而惡寒者此陰陽俱虛不可更發汗更下更吐也小柴胡湯四十二主之愚詳小柴胡能除半表半裏邪熱非治正氣陰陽虛實之藥擬以黃芪建中湯四十或芍藥甘草附子湯九

太陽惡寒治例

發汗太陽病脈浮頭項強痛而惡寒麻黃湯二十主之

註曰經云尺寸俱浮者太陽受病太陽主表為諸陽氣主
大脉浮頭項強痛而惡寒者太陽表病也

太陽病或已發熱或未發熱必惡寒體痛嘔逆脉陰陽俱緊
者名曰傷寒麻黃湯二十主之

解肌太陽中風陽浮而陰弱陽浮者熱自發陰弱者汗自出
啻啻惡寒淅淅惡風翕翕發熱鼻鳴乾嘔桂枝湯一主之

張氏曰或問仲景以惡風為中風惡寒為傷寒其理昭然而
桂枝湯証又言啻啻惡寒淅淅惡風麻黃湯証止言惡風而
不惡寒何也夫惡風惡寒分別中風傷寒者此立法之定體
也桂枝湯証言啻啻惡寒麻黃湯証反不言惡寒者此特舉
其變故著方以備世用也然惡寒者必惡風其惡風者未必

不惡寒湯活人書括言傷寒惡寒不惡風可謂知常而不知
變也

和解太陽病發熱惡寒熱多寒少脉微弱者此無陽也不可
發汗宜桂枝二越婢一湯十主之

傷寒七八日發熱微惡寒肢節煩疼微嘔心下支結外証未
去者柴胡加桂枝湯四十主之

傷寒無大熱口燥渴心煩背微惡寒者白虎加人參湯六十
註曰心下痞者虛熱內伏也惡寒汗出者陽氣外虛宜以
細心湯治痞加附子以固陽

刺湯寒發執善善惡寒天渴欲水其腹必滿此肝乘肺名曰

橫刺期門三三

加人參風發執惡寒經水適來得之七八日執除脉遲身
結胸脇下滿如結胸狀譫語者此熱入血室刺期門隨其
証而瀉之或云宜小柴胡加生地黃三四

黃氏曰表症惡寒刺合谷

隨病治例

石膏發執惡寒者發于陽也無執惡寒者發于陰也發于陽
者七日愈發于陰者六日愈以陽數七陰數六故也或云陽
麻黃湯二十陰理中湯三百六四逆湯九十

病人身大熱反欲得近衣者執在皮膚寒在骨髓○或云宜
陽旦湯九十寒已次用小柴胡四十加桂以溫表身大寒反
不欲近衣者寒在皮膚執在骨髓○或云宜白虎加人參六十

二熱除次用桂枝麻黃各半湯三表熱裏寒者脉雖沉而遲手足微厥下利者此表解也○四逆湯九通脉四逆湯表寒裏熱者脉必滑身厥舌乾也所以惡寒而踈此表寒也時七自煩不欲厚衣此裏熱也○大柴胡湯四

太陽病八九日如瘧狀發熱惡寒熱多寒少其人不嘔清便欲自可一日二三度發脉微緩者為欲愈○趙云此宜温脉微而惡寒者此陰陽俱虛不可更發汗更下更吐也面色反有熱色者未欲解也以其不能得小汗出身必痒宜桂枝麻黃各半湯三主之

太陽病脉浮而動數浮則為風數則為熱動則為痛數則為虛頭痛發熱微盜汗出而惡寒者表未解也醫反下之動數

變遲膈內拒痛胃中空虛客氣燥煩心中懊懣陽氣內陷心
下痞硬則為結胸大陷胸湯二十主之若不結胸但頭汗出
餘處無汗劑頸而還小便不利身必發黃也○或用桂枝湯

一桂枝加白朮湯 茵陳蒿湯七十梔子柏皮湯八十

傷寒脈浮自汗出小便數心煩微惡寒脚牽急反與桂枝湯

一欲攻其表此誤也得之便厥咽中乾煩燥吐逆者作甘草

乾薑湯五百與之以復其陽若厥愈足温者更作芍藥甘草

湯八百與之其脚即伸若胃氣不和譏語者少與調胃

註曰脈浮自汗出小便數而惡寒者陽氣不足也心煩脚

牽急者陰氣不足也陰陽血氣俱虛則不可發汗若與桂

枝湯攻表則又損陽氣故為誤也得之更厥咽中乾燥

吐逆者先作甘草乾薑湯復其陽氣得厥愈足溫乃與芍藥甘草湯益其陰血則脚蹻得伸陰陽雖復其有胃燥亂語少與調胃承氣湯微瀉以和其胃重發汗爲亡陽加燒針則損陰內經曰榮氣微者加燒針則血不流行重發汗復燒針是陰陽之氣太虛四逆湯以復陰陽之氣○此証內外俱病非桂可治最要知此則後所謂陽旦相似誤用桂枝見後証看他次第用藥逐一相應妙處人弗知之此處接後文

問曰如其証象陽旦按法治之而增劇厥逆咽中乾兩脛拘急而讖語師曰言半夜手足當溫兩脚當伸後如師言何以知此荅曰寸口脈浮而大浮則爲風大則爲虛風則生微熱

虛則兩脛牽病症象桂枝因加附子參其間增桂令汗出附
子溫經亡陽故也厥逆咽中乾煩燥陽明內結譫語煩亂更
飲甘草乾薑湯夜半陽氣還兩足當熱脛上微拘急重與芍
藥甘草湯兩乃脛伸以承氣湯微溏則止其譫語故知病可
愈

註曰陽旦桂枝湯別名也前症脈浮自汗小便數心煩微
惡寒脚牽急與桂枝湯症相似是証象陽旦也與桂枝湯
增劇得寸口脈浮大浮為風邪大為血虛即于桂枝湯加
附子溫經以補虛增桂枝令汗出以祛風其有治之之逆
而增厥者與甘草乾薑湯陽復而足溫更與芍藥甘草湯
陰和而脛伸表邪已解陰陽之復而有陽明內結譫語煩

亂少與調胃承氣湯微瀉泄以和其胃則陰陽之氣皆和
內外之邪悉去故知病可與○陽旦桂枝湯內加黃芩二
兩自表而裏先溫後利法故論治有至理仲景妙處重解
用藥次第証似陽旦証言語重復惟叔和脉經辨折甚明
安常以甘草芍藥湯恐非治法

服柴胡湯已渴者屬陽明也以法治之

註曰服小柴胡表邪已而渴裏邪傳于陽明也以陽明治
之

得病六七日脉遲浮弱惡風寒手足溫醫二三下之不能食
而脇下滿痛面目及身黃頸項強小便難者桂枝茯苓白朮
麻黃連苳赤小豆湯與柴胡湯四下後必下重本渴而飲水

嘔者柴胡湯不中與也食穀者噦

註曰得病六七日脉遲浮弱惡風寒手足溫則邪氣在半表半裏未爲實反二三下之虛其胃氣損其津液邪蘊于裏故不能食而脇下滿痛胃虛爲執蒸之薰發于外面目及身采黃也頸項強者表仍未解也小便難者內亡津液雖本柴胡湯症然以裏虛下焦氣澁而小便難若與柴胡湯又走津液後必下重也不因飲水而嘔者柴胡湯症若本因飲而嘔者水停心下也金匱要畧曰先渴却嘔者爲水停心下此屬飲家飲水者水停而嘔食穀者物聚而噦皆非小柴胡所宜二者皆柴胡湯之戒不可不識也○成氏此段不用柴胡此爲食穀噦也

太陽中風脈浮髮發執惡寒身疼痛不汗出而煩燥者大青
龍^八主之○此中風見寒脈或傷寒見脈皆宜此湯兩解
榮衛之傷若脈微弱汗出惡風者不可服服之則厥逆筋惕
肉瞤此為逆也○宜真武湯^一汗出不止者溫粉撲之

陽明惡寒治例

汗陽明中風口苦咽乾腹滿微喘發執惡寒脈浮而緊若下
之則腹滿小便難也麻黃湯^{二十}

陽明病脈遲汗出多微惡寒者表未解也可發汗宜桂枝湯
註曰陽明病脈遲汗出多當責邪在裏以微惡寒知表未
解與桂枝湯和表

隨病治例陽明病脈遲雖汗出不惡寒者其身必重短氣腹

滿而喘有潮熱者此外欲解可攻裏也手足戢然而汗出者
此大便已硬大承氣湯五十主之若汗多微發熱惡寒者外
未解也其熱不潮未可與大承氣湯若腹大滿不通者可與
小承氣湯八十微和胃氣勿令大泄下

少陽惡寒治例 此條出太陽篇

和解傷寒五六日頭汗出微惡寒手足冷心下滿口不欲食
大便硬脉細者此有表復有裏也脉沉亦在裏汗出為陽微
假令純陰結不得復有外症悉入在裏此為半在表半在裏
也脉雖沉緊不得為少陰病所以然者陰不得有汗今頭汗
出故知非少陰也可與小柴胡湯四十設不了了者得屎而
解○少陽邪多著在胸小柴胡四十結胸與痞半夏瀉心湯

及小陷胸湯九十一

註曰傷寒五六日邪當傳裏之時頭汗出微惡寒者表仍未解也手足冷心下滿口不欲食大便硬脉細者邪結于裏也大便秘爲陽結此邪執傳于裏然以外帶表邪則熱結猶淺故曰陽微結脉沉雖爲在裏若純陰結則更無頭汗惡寒之表症諸陰脉皆至頸胸中而還不上循頭今頭汗出知非少陰也與小柴胡湯已除半表半裏之邪服湯以外症罷而不了了者爲裏熱未除與湯取其微利則愈故曰得屎而解○或云症類少陰少陽邪多著在胸小柴胡結胸與痞半夏瀉心湯 及陷胸湯九十一

少陰惡寒治例

附手足寒背惡寒

溫少陰病下利若利自止惡寒而蹇手足溫者可治四逆湯

九十直武湯三十

註曰少陰病下利惡寒蹇卧寒極而陰勝也利自止手足

溫者裏和陽氣得復故為可治

惡寒脉微復利利止亡血也四逆加人參湯

註曰惡寒脉微而利者陽虛陰勝也利止則津液內竭故

云亡血金匱玉函曰水竭則無血與四逆湯溫經助陽可

加人參湯生津液而益血也

少陰病得之二三日口中和其背惡寒者宜灸之剋純閔元

穴附子湯二百主之

註曰少陰客熱則口燥舌乾而渴口中和者不苦不燥是

無熱也背為陽背惡寒者陽氣弱陰氣勝也經曰無熱惡寒者發于陰也灸之助陽消陰與附子湯溫經散寒

少陰病身痛手足寒骨節痛脉沉者附子湯二坵主之

註曰少陰腎而主骨節身軀疼痛肢冷脉沉者寒成于陰也身疼骨痛若脉浮手足熱則可發汗此手足寒脉沉故當與附子湯溫經

少陰病飲食入口則吐心中溫七欲吐復不能吐始得之手足寒脉弦遲者此胸中實不可下也當吐之若膈上有寒飲乾嘔者不可吐也急溫之宜四逆湯九十

註曰傷寒表邪傳裏至于少陰少陰之脉從肺出絡心主胸中邪既陷于胸中而不散者飲食入口則吐心下溫七

欲吐陽受氣于胸中邪昭胸中則陽氣不得宣發于外是
以始得之手足寒脉弦遲此是胸中實不可下而當吐或
用瓜蒂散其膈上有寒飲亦便胸中實則但嘔而不吐也
吐則物出嘔則物不出吐與嘔別焉此不可吐與四逆湯
以溫其膈

下少陰病惡寒而踈時上自煩欲去衣被者可治活人用大
柴胡湯四十

註曰惡寒而踈陰寒甚也時上自煩欲去衣被爲陽氣得
復故云可以治之

趙氏曰少陰病惡寒而踈者既無吐利是陰邪外盛未傳
裏也時自煩者爲寒邪外疑真陽內伏抑鬱不能上行胸

中不得宣散故病人時或自覺煩而他人不見熱也欲去
衣被活人書改作不欲厚衣蓋欲字爲義衣被尚在身雖
心欲去之而未常去非若狂走棄衣之比也且煩之爲候
也胸中鬱悶似熱而身無熱與心煩但欲寐之煩相近若
以煩爲表熱耶則是發熱惡寒當屬太陽不得爲少陰病
今乃无熱却有身蹇之証故知非太陽也若以煩爲裏熱
耶則邪執隨經悉入在裏不得爲表証今乃無見惡寒
而蹇又知非裏實也持此二証之足見煩爲真陽內鬱
陰中伏陽之証明矣治法當溫散陰邪導引真陽汗而解
可也活人用大柴胡湯下之非惟不能解散表邪反虛其
裏使惡寒之邪乘虛內陷痞硬陰躁諸變不可勝數也况

惡寒最慎于下又內無結實何若遽下繼或其脉沉滑而
實亦未可處用大柴胡必須先解表使惡寒証罷而後可
也况仲景又出一証云少陰病四逆惡寒而蹇脉不至不
煩而躁者死惡寒而蹇雖同但煩與躁異耳蓋不煩躁無
脉而厥者真陽內絕陰極發躁也不厥不躁但煩者真陽
內鬱也不然則成先生註云陽氣得復故可治斯言豈欺
我哉

不治少陰病惡寒身蹇而利手逆冷者不治

註曰針經云多熱者易已多寒者難已此內外寒極純陰
無陽故云不治

少陰病惡寒而身蹇脉不至不煩而躁者死

註曰四逆惡寒而身踈則寒甚脉不至則真氣絕煩熱也躁亂也若憤躁之躁從煩至躁爲執來有漸則猶可不煩而躁是氣欲脫而爭也譬如燈將滅而暴明豈能明干父也

張氏曰或謂六經傷寒惟少陰與厥陰有不治之病以兩經較之少陰死証尤多何也曰少陰腎也位居子正而一陽生于其中是爲復卦乃天地之相宰輔之取周旋運用承上使下一動一靜莫非腎之功也病至其經已近危殆陰陽兩全雖危弗外是蓋無陽而陰獨居故言其死然子中之陽氣微弱凡病則易爲消滅其爲死証故多于厥陰也

厥陰惡寒治例

附手足寒

温大汗出熱不去內拘急四肢疼又下利厥逆惡寒宜四逆湯九十一

趙氏曰傷寒第五問中大陰厥陰皆不惡寒只少陰証有惡寒按三陽惡寒皆表邪未解也太陰手足自温故不惡寒少陰厥陰手足厥逆而惡寒者陰盛然也胡不觀仲景論厥陰証出此一條豈非厥陰亦有惡寒者耶

手足厥寒脉細欲絕者當歸四逆湯二百若其人內有久寒者宜當歸四逆加吳茱萸生薑湯二百

註曰手足厥寒者陽氣外虛不温四肢脉細欲絕者陰血內弱脉行不利與當歸四逆湯助陽生陰也茱萸辛温以散火寒生薑辛温以行陽氣

汗下後惡寒

溫發汗病不解反惡寒者虛故也芍藥甘草附子湯九一百主之

註曰發汗病解則不惡寒發汗病不解表實者亦不惡寒
今發汗病且不解又反惡寒者榮衛俱虛也汗出則榮虛
惡寒則衛虛與芍藥甘草附子湯以補榮衛

下後復發汗心振寒脉微細者此內外俱虛也當歸四逆湯
真武湯二百

註曰發汗則表虛而亡陽下之則裏虛而亡陰振寒者陽
氣微也脉微細者陰氣弱也

少陰病下利惡寒而蹠手足者可治四逆湯九十

太陽發熱寸緩關浮尺弱其人發熱汗出反惡寒不嘔但心
下痞者醫誤下也如其不下不惡寒而渴者此轉陽明小便
數者大便必硬不更衣十數日無所苦渴欲水者少上與之
但以法救之渴宜五苓散七疇或用附子瀉心湯二疇小柴
胡加桂四疇又桂枝湯一

隨病治例發汗病不解反惡寒者虛故也芍藥甘草附子湯
九疇不惡寒但熱者實也調胃承氣湯

傷寒天下後復發汗心下痞惡寒者表未解也先解表七疇
乃攻痞解表桂枝湯一攻痞大黃連瀉心湯二疇

註曰大下後復發汗則表裏之邪當悉已此心下痞而惡
寒者表裏之邪俱不解也因表不解而下之為心下痞與

桂枝湯解表表解乃與大黃七連瀉心湯攻痞內經曰從外之內而盛于內者先治其外後調其內

太陽病醫發汗遂發惡寒執因復下之心下痞表裏虛陰陽氣並竭無陽則陰獨復加燒針因胸煩面青黃膚潤者難治今色微黃手足溫者易愈汗後惡寒附子赤芍藥湯 發熱小柴胡加桂枝湯 心下痞半夏瀉心湯

太陽病下之後脈促胸滿者桂枝去芍藥湯 主之若微惡寒者去芍藥方中加附子湯 主之

註曰脈來數時一止復來者名曰促促為陽盛則不因下後而脈促者也此下後脈促不得為陽盛也太陽病下之其脈促不結胸者此為欲解此下後脈促而復胸滿則不

得爲欲解由下後陽虛表邪漸入而客于胸中也與桂枝湯以散客邪通行陽氣均藥益陰陽虛者非所宜故去之陽氣已虛則必當濕劑以散之故加附子

惡風第五

附汗下後惡風

成氏曰惡風惡寒均是表症但惡風比惡寒而輕惡寒雖不當風而亦寒惡風謂見風則畏得居密室則坦然矣惡寒有屬于陽有屬于陰非若惡風悉屬于陽故惡風則發熱三陰症並無惡風皆以此也惡風悉宜發散又自不同無汗者宜發汗有汗者宜解肌裏症雖具惡風未罷者猶當先解其表也又有汗多亡陽惡風者桂枝加附子湯溫經

以固衛又有風惡寒者宜發汗自汗而惡風者宜甘

草附子湯散濕以實衛數者不同臨症宜審

汗太陽病頭痛發熱身疼腰痛骨節痛惡風無汗而喘者麻黃湯二十主之

解肌太陽病項背強几几無汗惡風葛根解肌湯三十主之
註曰太陽病項背強几几汗出惡風者中風表虛也項背強几几無汗惡風者中風表實也表虛宜解肌表實宜發汗是以葛根湯發之也

太陽病發熱汗出惡風脈緩者名曰中風桂枝湯一主之

太陽中風陽浮而陰弱陽浮者熱自發陰弱者汗自出啻啻

惡寒淅_止惡風翕翕發熱鼻鳴乾嘔者桂枝湯一主之

太陽病頭痛發熱汗出惡風者桂枝湯一主之

太陽項背強几几反汗出惡風者桂枝加葛根湯三主之
仲景云太陽病初服桂枝反煩不解者先刺風池風府却與
桂枝即愈

註曰几几者伸頸之貌也動則伸頸慄身而行項背強者
動則如之項背几几者當無汗反出汗惡風者中風表虛
也與桂枝湯以和表加麻黃葛根以祛風且麻黃主表虛
後葛根湯証云太陽病項背強几几無汗惡風葛根湯主
之藥味正與此方同其無汗者當用麻黃今曰汗出恐不
加麻黃但加葛根也

傷寒四五日身執惡風頸項強脇下滿手足溫而渴者

小柴胡湯四主之

散濕太陽風濕風濕相搏骨節煩疼掣痛不得屈伸近之痛
劇汗出短氣小便不利惡風不欲去衣或身微腫甘草附子
湯

註曰風則傷衛濕流關節風濕相搏兩邪亂經故骨節煩
疼掣痛不得屈伸近之則痛劇也風勝則衛氣不固汗出
短氣惡風不欲去衣為風在表濕勝則水氣不行小便不
利或身微腫為濕外薄也與甘草附子湯散濕固衛氣
隨病治例太陽中風脈浮緊發熱惡寒身痛不汗出而煩燥
者大青龍湯三十若脈微弱汗出惡風誤服則厥逆筋惕肉
瞤此為逆也宜直武湯

太陽病二日反燥凡熨其背而大汗出大熱入胃胃中水竭

傷寒論二卷 十七
躁煩必發譫語十餘日振慄自下利者此為欲解故從腰已
下不得汗欲小便不得反嘔欲失溲足下惡風大便硬小便
當數而反不數及多大便已頭卓然而痛其人足心必熱穀
氣下流故也汗多先服桂枝湯一後調胃穀氣下流小承氣
湯五十一主之

得病六七日脉浮弱惡風寒手足温醫二三下之不能食
脇滿痛面目及身黃項強小便難者桂枝茯苓白朮湯麻黃
連翹赤小豆湯

汗下後惡風

温太陽病發汗遂漏不止其人惡風小便難四肢微急難以
屈伸者桂枝加附子湯六十一主之

註曰太陽病因發汗汗漏不止而惡風者為陽氣不足
因發汗陽氣益虛而皮腠不固也內經曰膀胱者州都之
官津液藏焉氣化則出小便難者汗出亡津液陽氣虛弱
不能施化四肢者諸陽之本也四肢微急難以屈伸者亡
陽而脫液也針經曰液脫者筋屬屈伸不利與桂枝加附
子湯以溫經復陽

清傷寒吐下後七八日不解熱結在裏表裏俱熱時時惡風
大渴煩燥欲飲水者白虎加人參湯六十一主之